

3 lucky winners will WIN A RETURN TRIP TO WATCH MANCHESTER UNITED IN SYDNEY

PRIZE INCLUDES

- » 1 Game Pass
- » Travel Allowance
- » A return ticket
- » Accommodation for 2 nights

Visit your nearest Telkom Shop now!

347 Customer Care Call 345 6789 or www.telkompng.com.pg

KAMAP SMART WANTAIM NIUPLA SMARTPHONE

Kisim niupla Nokia Asha 311 or Blackberry 9320 smartphones na sekim internet today!

Sizzling Deals wantaim Digicel tasol

INSAIT



Fri Wes Papua

P2



NCDC kisim nupela trak bilong karim pipia...

P8



Laipstail
Dem long Fin-istia maunten bringim pret long ol pipel..

P15

Bikpela hat wok tru long boda...

OL boda ples long Saut Flai long Westen Provins gat liklik etpos haus sik, tasol marasin na wokman i nogat. Dispela mama long liklik ples Torassy, sapos pikinini bilong em sik, em bai karim pikinini bilong em olsem na wok-about tupela awa long kisim helpim long boda haus sik bilong Indonesia. Poto Nicky Bernard.



BROWSE ALL DAY
K1.49
Text "Data" to 16333

Nokia Asha 311
K299

Blackberry 9320
K499

Digicel

GLOBE More Easy, More Tasty, More Energy

CORNERED BEEF WITH CEREAL

GLOBEthe perfect choice

PNG MADE

Amaiu tok klia long rausim bilong Mosbi Ats Setolmen

Stanley Nondol i raitim

TOM AMAIU, man husat em i papa tru bilong memba bilong Mosbi Not Is, Labi Amaiu, i tok klia pinis olsem kampani bilong em i gat taitol bilong graun na i go pas long rausim ol manmeri long Ats Setolmen arere long palamen haus long Waigani.

Mista Amaiu i tokaut klia olsem pikinini bilong em na memba bilong Not Is, i no stap insait long dispela wok bilong rausim setolmen.

Tom Amaiu i mekim dispela tok klia long pablik long Trinde dispela wik,

bihain long ol polis bin pudaunim planti haus na rausim moa long 8-tausen manmeri na pikinini long las wiken na dispela wik, bihain long em i winim kot long Waigani Nesenel Kot.

Tom Amaiu i tok kampani bilong em, Macata Entreprais LTD, i gat taitol long dispela setolmen graun, we veliu o manimak bilong em i sanap olsem K300 milian, na i bin givim toksave long 2010 long ol manmeri mas lusim ples na go, tasol ol bin sakim tok na stap yet.

Em tok wok developmen bai stat kamap neks wik long dispela graun.

Em i tok ol pablik i noken gat tingting olsem pikinini bilong em, Labi Amaiu i stap baksait na sapotim em.

Em i tok kampani bilong em tu i nogat nem bilong Labi olsem seholda o olsem wanpela dairekta.

Tom Amaiu i tok ol lain long dispela setolmen i save bikhet na kamapim kain kain hevi bilong loa na oda, olsem stil, ol lain long displa ap setolmen save biket na kamapim kinkain hevi bilong law na oda olsem stil, paitim ol man nating, na planti doti pasin long siti.

Long wankain taim em tok em sori

long ol manmeri na pikinini lusim haus na kisim taim long siti, tasol em i tok em bin traim long helpim ol long painim nupela ples long stap, na opis bilong Not Is Memba bin go pas long stretim na toksave raun, tasol ol pipel long dispela setolmen i no bin harim tok na paitim ol wokman husat bin go long toktok na stretim ol.

Mista Amaiu tu tok em gat bikipela wari long ol manmeri, na tok em lukluk long halivim ol long painim nupela graun spos ol i wanbel na go long em.

Plen long salim Falcon jet i popaia

GAVMAN bilong Papua Niugini i sainim tok orait wantaim Air Niugini long salim dispela bikipela praivet balus (Falcon Jet) long kisim bek mani ol i baim long en.

Air Niugini i mekim sampela samting long traim long salim dispela bikipela balus long wanpela jet speselis.

Em (Air Niugini) i kisim sampela ofa wantaim dispela kampani, tasol sapos ol dispela ofa i lus, bai gat bikipela senis i kamap long Papua Niugini gavman.

Dispela bikipela praivet balus nau i stap long Singapore long wanem, dispela balus i kam long gupela rot.

Ol praivet balus i no hat long kisim bikos long hevi bilong ikononi o wok mani i kamap long Yurop (Europe) we planti praivet balus long maket, prais bilong ol i kam daun.

Air Niugini i kisim sampela toktok i kam long ol praivet jet sata, tasol dispela ol sata i bin mis aut long en long wanem, balus i stap yet long Singapore.

Sapos ol i laikim long katim storis prais na painim ol sans sata taim ol i salim long sem taim, orait ol Air Niugini i mas bringim dispela balus i kam Pot Mosbi.

Long salim bilong dispela balus i go yet, ol bai mas kamap long wanpela gutpela prais na mekim yus dispela balus.

Fri Wes Papua

Nicky Bernard i raitim

PAPUA Niugini mas go pas long kepen long frim ol Melenesen brata susa bilong yumi long hapsait long Wes Papua. Dispela toktok i kam long Gavana bilong Nesenel Kapitelp Distrik Powes Parkop.

Gavana Parkop i tokaut long dispela, taim em mekim wanpela liklik musik konset tasol bikipela bung long Jack Pidik pak long Pot Mosbi.

Em tok em na sampela lain long Papua Niugini bin wok hat long helpim ol Melenesen brata susa bilong yumi long Wes Papua tasol kempen bilong bin go daun liklik taim em kam memba na gavana bilong NCD.

Em tok dispela taim em bai wok strong gen long helpim ol Wes Papua long kisim fridem bilong ol long wanem ol tu bin helpim Papua Niugini long sampela kain rot.

Parkop i tok planti long ol Wes Papua i holim sampela bikipela opis insait long kantri bilong yumi na tu helpim long kirapim kantri tu.

“Yumi Papua Niugini noken pret, mi no pret long helpim ol brata susa long hapsait, sampela ol bikipela



FRI WES PAPUA: Gavana bilong NCD Powes Parkop wantaim ol biknem musik man bilong Papua Niugini, George Telek, Pius na ol narapela i bung bihain long wanpela kepen so bilong ol Wes Papua stap insait long Pot Mosbi. **Poto Nicky Bernard.**

kantri tu i stap beksait long yumi na net wok bilong help Wes Papua long kamap fri em bikipela pinis na ol wetim PNG long go pas na ol bai kam insait long helpim,” Parkop i tok.

Em tok tu olsem em bai askim Praim Minista long putim nem bilong

em sapos ol laik go long Indonesia long wanpela miting em bai mas bihainim ol long givim dispela pas bilong Fri Wes Papua.

“Opis bilong mi long NCDC bai gat 3-pela fleg bai flai, wanpela bilong PNG, wanpela bilong NCDC na

narapela em raising sta fleg bilong ol Wes Papua, bai gat liklik opis bilong ol tu long Mosbi long soim sapot bilong yumi PNG,” Parkop i tok.

Em tok tu olsem wanpela pikinini Wes Papua yet bin kempen long kisim Indipenden tasol ol Indonesia bin kalabusim em na em ron we kam long PNG na bihain em go long Yurop na stat kri rapim gen dispela kempen bilong em.

Planti ol biknem musik man bilong yumi PNG bai raitim ol singsing long Fri Wes Papua olsem ol Australia, Niu Silen na sampela moa na long Novemba bai bikipela musik so na kempen bai kam long Pot Mosbi.

Dispela musik bai pulim ol Australia, Niu Silen, Vanuatu, Solomon Ailan na Fiji we i gat net wok pinis long kempen long mekim ol Wes Papua Fri.

TB Progam kisim moa long K15 milian fanding

NESANEL sik TB progrem bai go het nau wantaim moa long K15 milian manimak we nesenel gavman i katim I go long en bilong dispela yia, 2013.

Sekreteri bilong Helt, Pascoe Kase i tokaut long dispela samting bihainim ol ripot las wik olsem progrem bai nogat mani long skruim dilgo long wanem, Global Fan (GF) i save givim mani long PNG long ranim ol TB Progam i no inap givim moa mani.

Sekreteri bilong Helt, Pascoe

Kase i tokaut long dispela samting bihainim ol ripot olsem progrem bai nogat mani long skruim i go.

GF bai lonsim nupela modol bilong sapotim ol kantri we ol bai tok oraitim aplikesen long fanding long tripela yia i kam, tasol PNG i kisim gutpela nius olsem, GF i wokim arenjmen long givim US\$13 milian i kam long PNG long 2013 na 2014.

Dispela manimak em GF i tok oraitim na givim bihainim ol toktok wantaim Helt Minista Michael Malabag, Foren Afeas Minista Rimbink

PatoHelt Sekreteri, Pascoe Kase, Siameri bilong Kantri GF Kodinet-ing Mekanisim, Ledi Roselyn Morauta na ol Nesenel TB patna.

Dispela US\$13 milian manimak I kam aninit long ol kantri i wok long bungim hevi long sevis taim namba 6 raun bilong mani helpim bilong GF i pinis aninit long 5-pela agri-men bai pinis long taim mun Mas i pinis.

Helt Dipatmen i givim K4 milian i go long Wol Visen Intanesenel long kamap olsem bris taim ol i wetim

long stretim ol toktok long mani long 12-pela mun i no bagarapim ol TB progrem we kantri i wok long ranim long dispela taim yet.

Nupela modol bilong GF, Gavman bilong PNG givim moa long K15 milian i go long sik TB i abrusim 20 pesen mak we GF i makim long ol wan wan kantri I givim long en olsem kauntapat fanding bilong sik TB long 2013 na 2014- inap long 2016.

Long manimak we gavman i givim long en, K9 milian i bilong

baim ol drag o marasin, lojistiks o trenspot samting na ol leboretori saplaia, K4 milian olsem grenmani i go long Wol Visen, K2.1 milian i go long ol wok ektiviti bilong Nesenel TB.

Helt Dipatmen i wokim oda bilong ol TB marasin saplai bilong neks yia wantaim Global Drag Fasiliti na ol i wok long stretim ol peimen yet.

Dipatmen i wok long karimaut wanpela TB Drag Resistens sever o wok painimaut wantaim mani sapot bilong AusAID.

Noken larim pikinini salim bodi long kisim mani

OL TOKTOK i kamaut long Papua Niugini long noken larim ol pikinini i salim bodi bilong ol yet long ol man long kisim mani.

Tupela meri lida long Papua Niugini i askim ol papamama long kantri long lukautim ol pikinini bilong ol, na noken mekim ol i go slip wantaim ol man long kisim mani.

Ol i mekim dispela toktok bihainim ol nius midia ripot olsem planti pikinini save salim ol yet, o silip wantaim

man long kisim mani long lukautim ol yet na ol famili bilong ol.

Tessie Soi, meri i go pas long Friends Foundation long Pot Mosbi, i tok ol mama na papa i mas tingting gut long pikinini bilong ol na i noken bagarapaim laip bilong ol.

Anti Rosa Kepo, meri i go pas long Baibel Faith Outreach (BFO) program long Mt Hagen, Westen Hailans provins, i tok poveti, o pasin turangu, i save kamapim ol dispela nogut pasin.

PNG Oposisen namba i pundaun

NAMBA bilong ol memba long PNG Oposisen em Oposisen Lida Belden Namah i go pas long en, nau i go daun olgeta long 13 memba.

Dispela long wanem dispela wik i lukim Wes Nu Briten Gavana, Sasindran Muthuvel, husat i memba bilong Coalition for Reform Pati we i stap long Oposisen, i kalap na joinim gavman bilong Prais Ministia, Peter O'Neill.

Insait long dispela wanpela wik, Wes Sepik Gavana, Amat Mai, i lusim PNG Pati bilong Belden Namah, na i go joinim National Alliance pati, husat em i wanpela long ol pati insait long koalisen gavman bilong praim ministia.

Australia gavman i no helpim gut wok bilong PNGDF

Stanley Nondol i raitim

OL SAVEMAN insait long Dipatmen bilong Difens i tok Australia gavman i no save helpim gut wok bilong ami long kantri, maski i gat planti agrimen namel long tupela gavman long strongim wok developmen.

Ol i tok tu olsem PNG gavman i mas rausim tupela helikopta bilong Australia, we nau i wok long raun i stap long kantri.

Ol saveman i tok dispela tupela helikopta, em Australia Difens Fos i kisim i kam long kantri las yia long taim bilong nesenel ileksen.

Australia gavman i tok ol bai haiarim tupela helikopta bilong PNGDF long yusim long taim bilong ileksen.

Tasol ol saveman i tok dispela em ol i bin trikim PNG gavman, na plen bilong en long baim tupela helikopta, em ol i lusim.

Taim ol i kisim tupela helikopta i kam insait long kantri, ol Australia ami yet i wok long yusim raun nau. Ol saveman bilong ami i tok Australia i trkim yumi gut tru long yumi noken gat ol strongpela wok samting bilong kirapim wok bilong ami.

Nau PNGDF i nogat helikopta na ol bot na arapela samting long putim was long ol boda bilong yumi long graun na solwara.

Ol i toktok strong olsem PNG gavman i mas rausim dispela tupela helikopta we nau, ol Australia ami pailot i wok long karim raun long kantri. Ol i tok ileksen wok i pinis, na em i asua aninit long loa long larim helikopta o balus bilong narapela kantri long raun nating insait long narapela kantri.

Ol i tok aninit long Difens Koporesen Program, ol PNGDF pailot i ken yusim dispela tupela helikopta long kisim raun, na trenim ol yangpela pailot na mekim ol arapela wok bilong ami, tasol dispela i no kamap.



Naispela abus

David Terry bilong Polis Midia yunit i amamas stret long naispela abus bilong em.

Dia mit em naispela mit stret, olsem na planti bilong ol Indonesia save brukim boda na kam painim long sait bilong yumi PNG.

Poto Nicky Bernard

new

Sumatin Account

BSP

SUMATIN

1234 6754 8901 2345

06/15

- ✓ Reduced account fees
- ✓ No monthly maintenance charge
- ✓ No minimum balance required
- ✓ Mobile and Internet Banking access

Like us on follow us on

BANKING MADE EASIER FOR STUDENTS ON THE GO!

INTRODUCTORY OFFER: Bank service charge FREE for phone top ups via mobile phones and ATM until 31st May

For more information

320 1212 or 7030 1212 / 24/7

servicebsp@bsp.com.pg

www.bsp.com.pg

BSP

Official Sponsor of the 2015 Pacific Games

TELE Apdeit

Konektim skul bilong yu long intanet

Wantaim ol ADSL o telepon lain, o Waiales (WiMAX) wantaim ol Telikom Skul Pekes plen: **PostPaid Pekes**
Telinet School
1,000MB
Telinet School
2,000MB
Telinet School
3,000MB
Telinet School
4,000MB

Fri Daunlod
1GB
2GB
3GB
4GB

Rental olgeta mun
K50
K80
K113
K150

Ekses Sas long wan MB
0.11
0.11
0.11
0.11

Ilusave bai go pas long ol skul i nogat intanet koneksen yet.

IFRI Instolesen

Ikaramapim olgeta bikpela siti na ples Telikom i stap long en

Ol askim: Salim Email long sales@telinet.com.pg o ringim telepon namba 3025500 o 3025554

Winim raun i go lukim Manchester United

Kamap wanpela long tripela laki wina long winim balus tiket i go long lukim Manchester United i bungim A-League All Stars bilong Australia long ANZ Stadium long Sidni long mun Julai.

Prais em:

I Wanpela Gem Pas

I Wanpela riten balus tiket

I 2-pela nait rum slip

I Travel Alawens

We bilong Winim

Spendim K200 o moa long wanem ol Telikom Pro-dak long wanem ol Telikom Stoa, raitim nem na adres bilong yu long baksait bilong risit, dropim long wanpela bokis long wanem ol Telikom Stoa, na go insait long droa bilong win.

19t/MB

Amamas wantaim Prepaid 19 toea of-pik ret long 7 kilok moning i go 7 kilok nait, na i nogat hevi long en.

Fri 300MB Daunlod

Baim wanpela intanet dongel wantaim FRI 300 megabait daunlod.

Long save moa, ringim 24/7 Kastoma Kea long 3456789.



Kalaut em nupela Madang PPC

SUPERINTENDEN Sylvester Kalaut em nupela provinsal polis komanda bilong Madang provins.

Supt. Kalaut i kisim ples bilong Suprintenden Anthony Wagambie (Jnr) husat i senisim ples bilong em long go kamap PPC bilong Is Nu Briten provins.

Supt. Kalaut i bin mekim gutpela wok taim em i stap PPC bilong ENBP na komyuniti long Madang i putim ai na bilip tasol em bai soim gutpela wok long kontrolim polis wok na operesen insait long provins.

Wanpela polis pareid i bin kamap

long Madang long soim welkam long nupela nupela PPC bilong Madang, we i lukim Gavana bilong Madang, Jim Kas, tu i bin stap long givim welkam na tok olsem gavman bilong em i redi long sapotim wok bilong Supt. Kalaut.

Supt. Kalaut em i no nupela man tumas long Madang na i gat bilip em i ken helpim long stretim ol hevi we nau Madang provins i bungim long sait long lo na oda.

Em i bin skul pastaim long Divain Wod Yunivesiti (DWU) long Madang na em i save long wanem eria long taun em planti ol hevi i save kamap long en.

Insait long narapela polis nius em Ekting polis stesin komanda bilong Bogia, Daniel Yopa i mekim mekim bikpela askim long Gavana bilong Madang, Jim Kas wantaim nupela PPC long sapotim wok bilong polis long distrik.

Em i tokaut tu olsem polis long Bogia i no save kisim sapot na dispela i daunim ol stret long mekim wok long kontrolim lo na oda hevi insait long distrik

Em i tokaut tu olsem i no gat inap polisman, nogat inap gan long ol polisman i yusim na nogat kar long polis i mekim wok bilong ol gut. Long dispela as tasol na Bogia dis-

trik i wok long lukim planti ol trabel i kamap olsem kilim man, stil, bagarapim meri na ol arapela.

Em i tokaut tu olsem Bogia polis i bin askim MP bilong ol John Hickey long wanpela kar tasol dispela memba i no mekim wanpela samting.

Em i tok Sumkar MP, Ken Fairweather i mekim dispela wok long distrik bilong em taim em i givim tripela kar long helpim wok bilong polis. Tasol Hickey nogat.

Yopa i askim nau Gavana bilong Madang, Jim Kas na nupela Provinsal Polis Komanda (PPC), Sylvester Kalaut long helpim polis long Bogia.

Rausim ol gan na gutpela gavanens i bikpela samting long Bogenvil

Aloysius Laukai I raitim

RAUSIM ol samting bilong pait na “good governance” o ranim gavman o ogenaísesen long karimaut gut wok em tuepla bikpela samting i mas stap long Bogenvil long referendum o vot long bruk lusim PNG o stap wantaim (PNG) I kamap long 2015.

Deputi Praim Minista, Leo Dion i tok olsem long las wiken Sarere taim em bin go long Buka long lonsim ol wok redi bilong glasim otonomi wok go het long Bogenvil.

Lonsim bilong wok glasim i bin kamap long Bel Pak long Buka we Mista Dion i makim PNG Gavman na Otonomes Bogenvil Gavman (ABG) Presiden, John Momis i bin go pas long en.

Insait long ol toktok bilong em i go long ol pipel bilong Bogenvil, Mista Dion i tok referendum em i bikpela samting na olgeta manmeri na pikinini long Bogenvil i mas redi gut long en bikos em bai stiaim wokabaut bilong ol long bihain taim.

Em bin tok O’Neill-Dion Gavman i gat wok long mekim bilong lukim olsem ples i stap gut pastaim dispela bikpela samting i kamap long Bogenvil.

Mista Dion i tok ol pipel bilong Bogenvil i noken larim ol kain samting i kamap long bagarapim ol gutpela wok go het long karimaut gutpela, fri na fea referendum.

Dispela lons em i bilong strongim na sapotim wok we Referendum na Otonomes Arenjmen Rivyu Komiti i wokim lon g en.

Sif Sekreteri bilong Nesenel Gavman, Manasupe Zurenuouc i siaman bilong dispela komiti na ol bikman i makim Nesenel na ABG i stap insait long en.

Mista Dion i tok aninit long loa, ol wok rivyu o glasim long ol wok go het long Otonomi i mas kamap long namba 5 anivesari bilong kirapim ABG, na yumi noken larim i dai i stap.

“Yumi no ken lusim tingting long dispela bikpela eksasais long kamapim gutpela referendum. Sapos i gat hevi, edvaisim Nesenel Gavman long taim stret na yumi ken wok wantaim long go hetim rot bilong kisim referendum

long trupela spirit bilong tupela sait i wok bung wantaim,” Mista Dion i bin tok.

Em i tok tu olsem Nesenel gavman ilaikim rivyu o wok glasim i mas kamap bikos dispela wok i sapos long kamap pinis sampela yia i go pinis, tasol nogat.

Em i tok bikpela samting long wok bilong painim gutpela sindaun na bel isi pasin em Bogenvil Pis Agrimen na ol narapela wok bilong mama Loa olsem Pat 14 bilong Nesenel Mama Loa (ol bin wokim senis long en) , na Ogenik Loa long Pis Bilding long Bogenvil we i bin givim strong long ligel sait long Agrimen.

Long tripela bikpela samting i stap insait long Bogenvil Pis Agrimen na ol em Otonomi, Rausim ol gan na ol narapela samting bilong pait na referendum, Mista Dion i tok ol i mas sapotim dispela tripela pila o ol bikpela samting i mas kamap na go gut, bilong Bogenvil i kisim referendum.

Aninit long Otonomi, nau wok long transferim ol pawa na fansen long ol Nesenel Gavman dipatmen long Waigani i go long ABG Edministresen i wok long kamap nau.

Ol wan wan nesenel dipatmen i wok wantaim ABG Edministresen long kirapim Bogenvil Pablik

Sevis.

Mista Dion i tok referendum bai kamap sapos Bogenvil i fri long ol gan.

Taim Mista Dion i tok amamas long Presiden Momis na ol narapela bikman long hatwok ol i mekim long kisim Bogenvil i kamfowet na redi long wok bilon g holim referendum.

“Bikpela samting taim yumi kam klostu long holim referendum em nesenel gavman na ABG i mas wanbel long gat join wok plen bai lukim olsem wok bilong rausim ol gan long Bogenvil na kamapim bel isi pasin i kamap,” Mista Dion i tok.

Trening bai go het long lukautim gut developmen mani

DOKTA Puka Temu, Minista bilong Pablik Sevis, i tokaut olsem bai i gat ol trening woksop,

i kamap long ol wokman meri bilong gavman long ol provins, distrik na Lokol Gavman, long rereim ol wantaim save bilong lukautim gut bikpela baset we O’Neill-Dion Gavman i tok pinis long givim ol.

Ol dispela trening woksop bai kamap long 4-pela taun long makim 4-pela rijen bilong kantri.

Dispela ol woksop bai kamap olsem; long Hailans Rijen, woksop bai kamap long Goroka long Epril 9 i go 11, long Momase Rijen, bai kamap long Madang long 23 i go 25 Epril, long Niugini Ailans Rijen, ol bai holim long Kokopo long 7 i go long 9 Me. Na long Sauten Rijen, woksop bai kamap long Pot Mosbi long 21 i go long 23 Mei.

Dokta Temu i tok olsem nau O’Nell-Dion Gavmani mekim bikpela senis na ol i laik givim bikpela mani envelop long ol provins, distrik na

LLG long karim aut wok developmen.

Olsem na Pablik Sevis Dipatmen i laik skulim na lainim gut ol wokman meri bilong gavman insait long ol dispela level gavman long wei bilong lukautim gut mani na ranim wok.

As tingting em olsem taim gutpela wok i kamap long ol dispela bikpela mani, ol pipel long ol ples bai kisim gut helpim.

“Dispela pablik sevis kepesiti developmen wok i kamap aninit long Pablik Sekta Wokfos Developmen Program (PSWDP), we gavman i kamapim long strongim ol gutpela na stretpela pasin wok bilong pablik sevis long nesenel, provinsal, distrik na lokol gavman, bilong ol i mas karim aut gutpela sevis i go long ol pipel bilong yumi. “ Minista i tok.

Ol dispela rijinel woksop bai lainim ol wokman meri bilong ol provinsal, distrik na lokol gavman long Projek Menesmen, Fainensal Menesmen, We bilong baim ol samting bilong wok (Procurement) na long Menesim

ol wok manmeri (Human Resource Management).

Institut ov Pablik Edministresen (PNGIPA), na ol arapela bikpela trening skul bai go pas long ronim ol dispela ol woksop.

“Dipatmen bilong mi i raitim pas i go long Sif Sekreteri , na ol ki patna olsem Fainens, Treseri, Provinsal Afeas na LLG, Sentral Saplai na Tenda Bod, Nesenel Ikonmik na Fiskal Komisin na Nesenal Plening, long ol i mas givim sapot bilong ol na tu mi singaut long ol wokman meri bilong ol long kam long woksop.”

Ol sinia opisa bilong Pablik Sevis Dipatmen, bai go aut na mekim awenes, na harim na glasim na skelim ol tingting bilong ol pablik sekta stekholda insait long 4 -pela rijen long wok bilong Menesim Mani, Wok bilong baim ol samting bilong wok (Procurement), Projek Menesmen na Menesim ol wokman meri.

Ol toktok bilong ol rijinel woksop bai kamapim as tingting bilong disainim na karim

aut trening bilong ol wokman meri long wok bilong sapotim ol Provins , distrik na lokol gavman long we bilong lukautim gut mani na ol projek baset bilong ol.

“ Ino long taim nau bai i gat moa mani i go long ol sab nesenel level gavman i mas givim fanim ol developmen projek olsem na mi askim olgeta patna ejensi long sapotim dispela bikpela wok,” Minista Temu i tok moa.

“Praim minista i save na i sapotim ol senis we i wok long kamap insait long pablik sevis aninit long ministri bilong mi, na dispela em i strongim tingting Gavman i bin kamap wantaim long Alotau long yia i go pinis (Alotau Accord)”. Minista i tok.

“Mi bai toktok tu wantaim Deputi Praim Minista na Minista bilong Gavman Rilesens, Leo Dion na Minista bilong Fainens, James Marape, long ol wokman bilong ol dipatmen bilong ol i mas kam insait long ol dispela woksop so mipela olgeta ken givim gutpela tinting long ol wokman meri bilong ol provins, distrik na lokol gavman.

Wimen Ov Hop planim bodi bilong wanpela liklik gel

...Stap 12-pela mun long haus sik mog

Freda Kana i raitim

BODI bilong wanpela liklik gel, husat i bin slip long Pot Mosbi Jeneral Hausik mog i nap long 12 -pela mun, nau i painim malolo taim Wimen ov Hop, (Women of Hope).

Wimen ov Hop em i wanpela oganaisesen bilong helpim ol meri, i planim bodi bilong em long 9 Mail matmat, long Fonde 7 Mas, 2013, wanpela de bipo long Intanesenel Wimen's De.

Stella Eki, pikinini meri bilong Theresa Fono bilong Lufa, Isten Hailans Provins i bin dai long Fraide 6 Epril 2012, bihain long em i bin sik inap long 4 -pela yia olgeta.

Em bin gat 6-pela krismas taim em i painim sik "epilepsy" o sik hap dai, na mama bilong em i bin lusim wok long lukautim em na tromoim olgeta mani bilong em long haus sik, tasol pikinini i no kamap orait.

Stella i bin gat 10-pela krismas taim em i dai long haus sik.

Mama bilong let Stella, i askim famili bilong em yet na long famili bilong papa bilong Stella long karim bodi i go long ples long Isten Hailens na planim, tasol ol i no bin

nap long helpim, i kam i nap 12- pela mun olgeta.

Tumbuna meri bilong Stella, Misis Fono i tok olsem dispela pasin i kamapim bikpela stori long ol lain Isten Hailans long Mosbi bilong wanem, olgeta pipel bilong Isten Hailens, taim ol i dai, bodi bilong ol i save go bek long Isten Hailens, ol i no save planim long Mosbi.

Ms Fono i bin kisim bipela hevi taim let Stella i dai, bikos papa bilong let Stella i bin lusim tupela i go taim Stella i gat 9 -pela mun tasol.

Olsem na long taim bilong Intanesenel de bilong ol meri, Wimen ov Hop i givim hop long wanpela meri i gat hevi olsem.

Dispela pasin i kamap gutpela stori bilong ol meri long komyuniti husat i painim kain hevi olsem.

"Mi karim wanpela bikpela hevi long solda bilong mi, na mi no ting bai mi nap long planim pikinini bilong mi, tasol mi tenkim God olsem wantaim helpim bilong em, nau Wimen ov Hop i helpim mi long planim pikinini bilong mi." Theresa i tok.

Faunda na meri i go pas long dispela oganaisesen, Veronica Charlie i tokim Ms Fono na ol narapela mama husat i bin go long witnessim



GUTBAI STELLA: Mama bilong Stella (namel) wantaim ol Wimen ov Hope meri i planim Stella long 9 Mail matmat long las wik Fraide, Mas 8, 2013. *Poto: Women of Hope*

dispela taim, olsem i gat hop bilong ol meri i stap.

"Dispela pasin mipela mekim, em i soim yu olsem i gat hop long ol meri i stap. Yu mas pogivim man bilong yu bikos taim yu mekim olsem, bai yu lukim blesing bilong God long laip bilong yu." Mrs. Charlie i tok.

"Pkininini i no save kamap nating long laik bilong em,

nogat. Papa na mama i save amamas na stap wantaim long kamapim ol pikinini o famili olsem, na papa bilong pikinini i gat bikpela asua long dispela hevi i kamap tu.

Tasol nau mi tokim yu olsem yu mas pogivim em bikos baibel i tok yu mas pogivim ol birua bilong yu na God bai blesim yu." Em i tok moa.

Wimen ov Hop Ministri em i bes long bikpela ples Pari long Mosbi Saut Ilektolet, na em i save helpim ol turangu meri na pikinini long givim kaikai, klos, haus slip na skul bilong ol pikinini.

Dispela ogenaisesen i no wok tasol long Mosbi Saut, em i wok long olgeta hap bilong NCD na tu long sampela arapela provins.

Mama bilong let Stella i tok tenkyu tru long bos man bilong haus sik mog long wanem, insait long dispela 12 -pela mun em i bin kamapim wanbel pasin wantaim ol na ol i tok orait long lukautim bodi bilong pikinini i stap gut na i no rausim long haus sik mog, inap em i painim helpim.

Ren autim ol rot hevi long Mosbi

.... Parkop tok klia

Nicky Bernard i raitim

PLANTI ol han rot long Pot Mosbi kisim bagarap long ol bikpela ren long dispela wik na tu sampela bin bagarap long bipo yet.

Planti bilong ol pablik manmeri bin komplem long NCDC long traim long hariap long stretim ol dispela liklik han rot.

Wantok Niuspepa bin askim Gavana bilong NCD, Powes Parkop, long dispela wik na gavana i mekim sampela klia

toktok long ol dispela han rot.

Gavana Parkop i tok klia olsem, dispela ol liklik han rot olsem long Renbo ples, Air Niugini ples long 6-mail na sampela moa hap NCDC i nogat rait long stretim. Dispela long wanem em stap aninit long ol man o ol lain i kamap dispela ples na sanapim ol haus.

"NCDC i no sainim wanpela MOU pepa long tok klia olsem dispela ol ples i stap aninit long NCDC, nogat ya, ol yet plenim rot, baret wara na wara bilong toilet ol yet taim ol

kamapim ol haus long ol dispela ples," Gavana Parkop i tok.

Nesenel rot yes NCDC gat rait long stretim long wanem i stap aninit long gavana na taim i bagarap ol gat rait long stretim.

Gavana i singaut nau i go long ol lain husat i wok long kamapim ol ples olsem Renbo, Air Niugini na sampela moa long plenim ol rot, baret wara na toilet wara bilong ol long noken kisim kain hevi long bihain taim.



KEPSEN: Tupela wokman bilong NCDC i traim hat long panim hol bilong baret wara long Renbo we i bin blok long ol pipia bilong maket bipo. *Poto Nicky Bernard.*

FM100
PNG's Information & Music Leader

BEYOND BOUNDARIES
SUNDAY 6PM - 6.30PM

"ARE PUBLIC SERVANTS IN THE DISTRICTS & LLG'S READY TO IMPLEMENT THE SHIFT IN THE 2013 BUDGET?"

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDORIAN 100.1	KUTUBU 100.2	MADANG 100.8	MT. HAGEN 100.3	NGO 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAJUBULOLO 100.8
BODIA 100.5	GOROKA 100.2	KIMBE 100.3	LHIR 100.3	MT. BOREGORO 107.7	MT. TURU 100.8	POPONGETTA 100.5	TELEFOMIN 100.3	WEWAK 100.8

Text 1610

Sios na Komyuniti Dipelomen Wantaim Rev. Gigmai Okuk

Bet bilong Gutnius

SIOS-BES Komyuniti
Dipelomen (CBCD) em i bet
bilong sindaunim Gutnius antap
long en na ron isi igo insait long
senis bilong taim tude.

Ai bilong man o meri wanwan i
mas senis pastaim, na em ken
lukim laip long nupela rot na
pasin tru bilong en. Ol senis
bilong taim, senis bilong kalsa,
senis bilong pasin na kainkain
tude i no ken kamap olsem
birua—tasol i ken kamap helpim
tru bilong wok Miti.

Wanwan i ken senisim em yet
pastaim, bihain em i ken senisim
famili, senisim kongrigesen,
senisim komuniti na senisim isi
isi i go inap long kantri i ken
senisim.

Jisas i tok, "Ol manmeri i no
inap kisim laip long kaikai tasol"
taim Seten i traime. Luk 4:4 Na
long Betani, em i bin tokim Mata,
"Mata, Mata, yu wok long tingting
planti na yu wari long planti samting"
Luk 10:41 Na long wanpela
apinun, taim Jisas i autim tok
pinis, em i tokim ol disaipel,
"Yupela yet givim kaikai long ol
(manmeri)." Luk 9:13.

Olsem wanem, sapos Seten i
bin tok, "Ol manmeri i no inap
kisim laip long Tok tasol." Nau,
wanem i stret, pasin bilong Mata
o pasin bilong Maria? Jisas ino
tok, "Yupela salim ol manmeri igo
hariap, bai ol i ken painim kaikai."
Husat i rong na husat i rait na
wanem pasin i stret na wanem
pasin i no stret? Dispela em i no
wanem pasin Jisas Krai i toktok
long en.

Bodi bilong Kristen em i
hausim spirit bilong en. Wanem
hap bodi i karim spirit i go, dis-
pela ples tasol spirit i kisim
helpim. Ol Kristen i ken lukautim
spirit, lukautim bodi, lukautim
tingting, lukautim filing, lukautim
ol olgeta samting God i wokim.
Olgeta samting i wok bung wan-
taim bilong helpim 'piksa bilong
God.' Olgeta kain kain man na
meri, ol i 'piksa bilong God.'

Church-Based Community
Development (CBCD) em i bet bilong
sindaunim Gutnius antap long en na
ron isi igo insait long senis bilong taim
tude. Ai bilong man o meri wanwan i
mas senis pastaim, na em ken lukim
laip long nupela rot na pasin tru bilong
en. Ol senis bilong taim, senis bilong
kalsa, senis bilong pasin na kainkain
tude ino ken kamap olsem birua—
tasol i ken kamap helpim tru bilong
wok Miti. Wanwan i ken senisim em
yet pastaim, bihain em i ken senisim
famili, senisim kongrigesen, senisim
komuniti na senisim isi isi igo inap long
kantri i ken senisim.

Jisas i tok, "Ol manmeri i no inap
kisim laip long kaikai tasol" taim Seten
i traime. Luk 4:4 Na long Betani, em
i bin tokim Mata, "Mata, Mata, yu wok
long tingting planti na yu wari long
planti samting" Luk 10:41 Na long
wanpela apinun, taim Jisas i autim tok
pinis, em i tokim ol disaipel, "Yupela
yet givim kaikai long ol (manmeri)."
Luk 9:13.

Olsem wanem, sapos Seten i bin
tok, "Ol manmeri i no inap kisim laip
long Tok tasol." Nau, wanem i stret,
pasin bilong Mata o pasin bilong
Maria? Jisas ino tok, "Yupela salim ol
manmeri igo hariap, bai ol i ken painim
kaikai." Husait i rong na husait i rait na
wanem pasin i stret na wanem pasin
ino stret? Dispela em ino wanem pasin
Jisas Krai i toktok long en.

Bodi bilong Kristen em i hausim spir-
it bilong en. Wanem hap bodi i karim
spirit igo, dispela ples tasol spirit i
kisim helpim. Ol Kristen i ken lukautim
spirit, lukautim bodi, lukautim tingting,
lukautim filing, lukautim ol olgeta sam-
ting God i wokim. Olgeta samting i wok
bung wantaim bilong helpim 'piksa
bilong God.' Olgeta kain kain man na
meri, ol i 'piksa bilong God.'

Rev. Gigmai Okuk
Church-Based Community
Development

Ol Difens pablik sevan laikim minista rausim pasin bilong paulim mani

Stanley Nondol i raitim

OL SINIA pablik sevan bilong
dipatmen bilong Difens i tok
administresen bilong difens i
no ron gut, na Minista Dokta
Fabian Pok i mas kwiktaim
sekim ol paul pasin we nau i
wok kamap bikpela.

Ol insait lain bilong dipat-
men, husat i bin wok klostu
long 30 yia, i tok planti senis i
wok long kamap long dipatmen
long sotpela taim bihain long
nupela sekreteri i kisim wok.

Ol dispela sinia pablik sevan
i bin givim wanpela komplek
leta long Wantok Niuspepa, na
ol i laikim Minista Pok i mas
lukluk long wari bilong ol.

Ol dispela opisa i no laik
autim nem bilong ol, na tok

Minista i mas sekim makim
bilong sekreteri i stap nau.

Ol i tok makim bilong em i no
bihainim stretpela rot aninit
long loa.

Komplen pepa bilong ol i tok
NEC o Nesenel Eksekutiv
Kaunsil i no mekim disisen yet
long makim sekreteri bilong
dipatmen, na Gavana Jeneral
tu i no sainim pepa yet, na ol i
gasetim pas wantaim sampela
ami bilong Goldie Bareks,
husat i bin sanap gat long gav-
man printing haus long
Waigani long mun Mas, 2012.

Rot bilong makim dipatmen
sekreteri, em NEC yet i mas
mekim disisen long en pas-
taim, na bihain long en, em
Gavana Jeneral bai sainim
pepa na gaset bai kam las tru.

Bikpela pablik mani i lus long
pasin korapsen, we i lukim
sampela sek mani i kamaut
pinis long PNGDF Imprest
akaun long mun Desemba las
yia, taim ol pablik akaun i bin
pas pinis, na dispela mani i go
long ol kontrakta, we wok devel-
opmen i no bin kamap.

(ol givim sek kopi tu long
wantok nius)

Ol i tok minista i mas lukluk
long K54 milian bilong PIP o
Pablik Invesmen Progrem
mani we gavman i givim long
2011 na 2012 long wok devel-
opmen i mas kamap long ol
senta bilong ami long kantri,
olsem Lombrum Nevi Bes long
Manus, Igam long Lae, na ol
arapela senta bilong ami.



STOP TB WALKATHON

23rd March 2013

Walk Route: Jack Pidik Park to Sir John Guise Stadium
Start time: 6:30am
Participation: Free
After the walk there will be a range of entertainment, guest speakers and health education - Don't miss out!



What can each of us do to Stop TB? You can make the difference. Help stop TB in our lifetime.



Register a team by calling 311 2530 or email anjelique_giranah@wvi.org



BEYOND BOUNDARIES

EVERY SUNDAY 6PM - 6.30PM

THIS WEEK'S TOPIC: "NATIONAL FISHERIES PROJECTS"

Text 1600

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

NCDC baim ol nupela trak bilong karim pipia



PIPIA HEVI PINIS: Ol nupela NCDC trak bilong karim pipia long siti.

STANLEY NONDOL i raitim

NESNEL Kapitel Distrik Komisn o NCDC, nau gat moa strong long daunim hevi bilong ol pipia we save sting long siti bihain long em i baim faivpela bikplea kar bilong raun long ol strit blong siti na karim ol rabis.

NCDC Weist Menesa Janet Haua tok NCDC i spendim K1milian na baim faivpela bikpela kar bilong karim rabis, na tupela dam

trak long kantri India. Misis Haua tok NCDC Ekesetiv Menesmen ikamap wantaim desisen long baim ol dispela bikpela kar las yia bihain long ol bin glasim olsem namba bilong ol pipol bilong siti wok long grow go antap moa na mekim ol manmeri i tromai ol pipia nating long i siti na kampim bikpela hatwok long NCDC long klinim.

Miss. Haua tok NCDC gat plan long baim 15- pela wankain kar long kolektim rabis na NCDC bai baim faivpela moa long yia kam na narapela faivpela long yia 2015.

Ol dispela bikpela kar bai stat long mekim wok long neks wik bihain long ol draiva husat bai draivim ol dispela kar i kisim trening long sampela de insait long dispela wik.

Dispela nau bai ilukim daunim hevi bilong ol rabis save pulap nating long ol strit na long ples long setolmen we ol man save slip kirap na kaikai long en.

Miss hauta i tok gat bikpela komplek save kamap long rabis save pulap long citi na ol pipol save sutim tok long NCDC long no klinim hariap. Tasol em tok NCDC no bin gat

ol bikpela kar na save givim wok kontrak long ol ausait lain tasol planti taim lukim ol no save mekim gut wok na NCDC i save kism nem nogut.

Misis Haua tok moa olsem ol planti lain husait save gat ol dam trak na save kolektim rabis bai lukim kontrak bbilong ol pinis biong wanem NCDC nau gat ol kar bilong em yet na ggat bikpela plan tu long kisim moa bikpela kar long mekim wok na lukautim siti.

UPNG sainim pepa long planim mangro diwai

STANLEY NONDOL i raitim

YUNIVESITI bilong Papua Niugini (UPNG) long Mande dispela wik i sainim wangepa Memorandum ov Andastanding (MoU) wantaim Intanesnel Yunion ov Konsavesen ov Netsa na Netserel Resos(IUCN) istap long Fiji long planim Mangrove diwai long daunim hevi blong klaimet senis we nau ikamap bikpela hevi long wol.

Hevi bilong Klaimet senis i em bikpla hevi long wol na ol bikpela kantri olsem Amerika, Australia, na Japan ol arapela tu i nau wok hat tru na painim sampela gutpla rot

long daunim ol ges nogut we save bagarapim atmospia o skai.

Taim Dokta John Duguman husat bosim IUCN long Fiji i sainim MoU wantaim UPNG Vice Sansela Profesa Albert Mellam tok hevi bilong klaimet senis em bikpela wari bilong wol na Amerika gavman nau go pas long givim bikpela mani halivim go long ol liklik kantri long wol long sapotim wok bilong ol long daunim dispela hevi bilong klaimet senis.

Long dispela sainim tu bai mekim Papua Niugini bai igat sans long yusim sampela mani we US gavman i givim \$US7.7millen o moa K20 mil-

ian long planim ol mangro long faivpela yai long pasifik Ailan kantri stat long 2013 inap long 2018.

Dispela MoU tu bai sapotim na halivim long sait bilong mani long mekim PNG gavman ken inapim gol bilong en long vision 2050, we tok long daunim mak blong ges nogut igo daun.

Dokta Dugumen tok dispela tu bai halivim PNG gavman we gat plen long planim wan milian mangro diwai. Em i tok moa olsem dispela MoU wantaim UPNG nau iputim UPNG long gutpela posisenlong em ken surukim dispela wok go long ol arapela Pasifik Ailan kantri olsem Solomon Island na Vanuatu.



UPNG Vais Sensela Profesa Albert Mellam na Direkta bilong Internesenel Yunion ov Neter na Netrel Rosos (IUCN) Dokta John Dugumen i sainim MoA long wok bilong klaimet senis. Poto: Brian Tobia

Bung long glasim na skelim sefti bilong ol meri

Seif siti program i wok gut

SAMTING olsem 600 lida long praivet na sivil sosaiti long wol i pinisim wangepela wik bung long Dublin em hetkota bilong Noten Ailen, long toktok long ol rot bilong mekim ol siti i seif na smat long ol meri i stap, wok na raun long ol.

“Mekim ol siti i seif long ol meri na ol gels” em het tok bilong namba 8 bung we ol memba bilong Wol Alaiens bilong ol Siti Agensim Poveti o pasin Turangu” i kamap long en long olgeta hap bilong wol, stat long Februeri 26, 2012.

Ol Seif Siti Global Inisietiv i kamap aninit long wok patnasip namel long ol eben gavman atoriti, ol lokol komyuniti na ogenaísesen na Yunaitet Nesens long mekim ol siti na taun i seif ples long ol meri na ol gels i stap na wok long en.

Long wol tude, nogat wangepela siti o kantri i seif we ol meri na ol pikinini meri i ken stap na raun fri long vailens. Na nogat lida i ken tok kantri bilong em i fri, o dispela samting i no kamap long banis baksait bilong mi.

Tripela piksa we i bin kamapim bikpela meknais na tok agensim long pablik, kros long wol las yia em: sutim Malala, em wangepela meri ektivis i save sapotim na karimaut ol wok long edukesen bilong ol meri na ol pikinini meri, ol man i bung na repim wangepela meri long bas na dai bilong yangpela meri dokta sumatin i gat 23 krismas long Nu Delhi, India, na kilim dai wangepela yangpela meri i gat 20 krismas long Hailans bilong PNG husat ol i sutim tok long em olsem em i kilim dai narapela man wantaim posin.

Planti ol narapela samting i kamap long wol we ol i no ripotim long en.

Maski ol meri i wokabaut long strit, raun long pablik trenspot, go long skul o salim ol samting long maket, ol i save kisim dispela hevi bilong bagarapim ol long seksuel sait na vailens.. Ol dispela kain samting i save kamap long olgeta de i save pasim ol meri long sans bilong go long skul, wok, go insait long politiks, o long stap tasol na amamas long neibahut eria.

Maski ol dispela samting i save kamap olgeta de, vailens long ol meri na ol pikinini meri long pablik ples, ol atoriti i no save bisi tumas. Na i gat ol liklik loa tasol long traim edresim ol dispela hevi.

Tasol dispela Seif Siti Global Inisietiv em i wangepela gutpela projek i kamap aninit long wok patnasip namel long ol eben gavman atoriti, ol lokol komyuniti na ogenaísesen na Yunaitet Nesens long mekim ol siti na taun i seif ples long ol meri na ol gels i stap na wok long en.

Ol UN Wimen na Habitat i bin lon-sim dispela program olsem pilot projek long 5-pela siti long wol.

Em long Cairo long Ijip, Kigali long Rwanda, Nu Delhi long India, Quito long Equador na Pot Mosbi long PNG.

Nau yet, program i wok long groa na i stap long 20 kantri pinis.

Wangepela gutpela lesen i kamap long dispela program em wan wan siti i narakain na i mas bihainim kain stap bilong ol lain long hap. Dispela i ken kamap sapos ol i karimaut wok stadi i

gat ol data na evidens, na ol komyuniti i go insait.

Ol siti i mekim samting nau long kamapim gut ol laiting na ol strit na bilding, trening na ol polis na haiarim moa meri polis opisa. Ol dispela samting i kamapim planti gutpela senis nau.

Wangepela stadi long India i soim olsem wangepela samting ol i mekim em long ol papamama i stopim ol yangpela pikinini meri bilong long raun na pasim ol long haus.

Wangepela pikinini meri i tok sapos ol i toksave long ol papamama olsem ol manki man i wok long mekim nabaut long ol, ol bait ok em rong bilong ol (pikinini meri) na i no larim ol long lusim haus.

“Ol wok painim olsem i soim olsem samting i mas kamap, na pasim ol meri long haus em i no ansa.

Ol komyuniti i bin wok bung wantaim na karimaut ol wok awenes, ripotim ol kraim o trabel na wok wantaim ol atoriti long kamapim gut pablik sefti na jastis.

Long Quito, ol bin strongim ol meri long tokaut na i no pasim maus long ol samting i kamap long ol long raitim ol pas kempein, na ol bin karimaut wok stadi.

Siti gavman i bin wokim sampela senis long stopim pasin bilong vailens agensim ol meri long putim “vailens long ol pablik ples”. Gavman i bin kisim moa long 10,000 pas.

Long Pot Mosbi, PNG, 55 pesen long ol meri i save maket i bin ripotim olsem ol i save ekspiriensim vailens, na long edresim dispela, ol lokol atoriti i l wok wantaim ol meri i maket asosiesen long wokim samting.

Long Cairo, nesenel gavman bin kisim ol sefti odit we ol lokol meri i bin luksave long sefti na sekyuriti kondisen long ol neibahut na putim wantaim eben plening bilong em.

Long Rio De Janeiro, ol komyuniti i autim ol hevi long sefti sait bilong ol meri insait long 10-pela eria insait long siti we i no ol gutpela ples, na ol meri wantaim ol pikinini meri i save yusim ol smatpon bilong ol long makim ol sefit risk eria olsem rot i no orait, sevis i no go gut, o rot i tudak na lait i bagarap.

Ol bin prisenim ol wok painim i go long ol lokol atoriti we ol i yusim long painim ol ansa.

Ol UN Wimen i patna wantaim Microsoft long painim rot long yusim mobail teknoloji long stopim ol hevi long sait bilong seksuel vailens o putim presa long wokim pasin nogut long ol meri agensim laik bilong ol, na vailens lon g ol pablik ples.

Taim moa meri, ol man na ol yangpela pipel i autim tingting na toktok na go insait long ol lokol gavman, na moa lokol lida i kisim eksen long sefti bilong ol meri, senis i wok long kamap.

Bung i luksave long mekim ol siti i smat moa, seif na skruim wok i go moa tasol dispela i laikim wok bung wantaim na patnasip namel long ol manmeri i stap long siti, ol gavman, ol praivet sekta na sivil sosaiti.

Ol man i mas sapotim wok bilong stopim vailens

ASKIM i go long ol man long sanap wantaim na bildim seif na jas sosaiti we ol meri na ol pikinini meri i ken stap fri na seif.

Eksekyutiv Dairekta bilong UNAIDS, Michael Sidibe i wokim dispela toktok long makim Intanesenel De bilong ol Meri i bin pondaun long las wik Fraide Mas 8, 2013.

Mista Sidibe i tok taim yumi luksave long ol meri long dispela de, yumi ol papa na ol pikinini i mas mekim wok long kamapim wol we ol man na meri wantaim i ken sanap long wankain level.

“Ikwal wol o wol we man na meri sanap long wankain level em dispela we tupela wantaim i

gat rot long stopim HIV , tritmen, lukaut na sapot. Em i wok we man na meri wantaim i ken lukautim ol yet long binatang bilong HIV. Em i wol we ol meri na ol pikinini meri l fri long kamap samting na ol i no pret long vailens ol man i kamapim long ol”, Mista Sidibe i tok.

Em i tok stopim vailens o paitim n a bagarapim meri i no wangepela humen rait, tasol em l bikpela samting we i mas kamap long stopim sik AIDS long wol.

Mista Sidibe i tok long wol, mak bilong 10-pela meri, 7-pela i save kisim bagarap bilong vailens insait long laip bilong ol.

Em i tok vailens o pret long

vailens pasin i ken stopim ol meri long skelim na tok yesa o nogat taim ol man i askim ol long slip wantaim ol.

Mista Sidibe i tok hap long ol pipel long wol i gat binatang bilong HIV na AIDS em ol meri.

“Olgeta wan wan minit, wangepela yangpela meri i wok long kisim binatang bilong HIV na AIDS, na dispela l no gutpela. Taim yumi lukim helt na welfea bilong ol pikinini meri wankain olsem bilong ol pikinini man, na taim yumi harim na ekt long wankain level long toktok bilong ol meri, yumi bai gat sans long pinisim dispela hevi,” Mista Sidibe i tok.

Raun Lukim ol Mama na Pikinini...



WELKAM: Ol meri sumatin i welkamim Praisin Minista Peter O'Neill taim em i go kamap long Wewak Ples balus long las wik. **Poto: Pater Jozef Roszynski, SVD, Wewak**



REDI LONG HELPIM KOMYUNITI: Sampela ol meri i bin sindaun long Viles Helt Volantia woksop i amamas na holim pasim ol poromeri taim Wol Visen i kisim piksa long ol. **Poto: Wol Visen**



Senisim pasin

WANPELA yangpela SVD misinari i bin go long kantri Botswana, long Afrika.

Taim balus i pundaun long Botswana, em i lukim ples ya i drai tru. Em i kamap long pinis bilong mun Ogas, em i taim bilong ren i pinis. Tasol ren i no kamap yet. I luk olsem Botswana em i wanpela kantri, graun bilong em i no gutpela tru.

Long pinis bilong mun Septemba, gutpela ren i pundaun. Long wanpela o tupela de bihain, weis lan bilong Botswana i kamap grin. I gat planti gras na flawa i kamap. Drai graun i senis na kamap olsem wanpela bikipela grinpela blanket i stap.

Sampela wik bihain, olgeta gras na diwai i kamapim naispela flawa bilong ol. Bikipela ples bilong Botswana i pulap long kala kala bilong flawa i olsem wanpela bed i kamap antap long grinpela kapet. Olgeta ples i senis. Em i naispela tru.

Em i naispela tu, sapos yumi lukim senis i kamap long laip bilong manmeri. Sampela manmeri i stap olsem drai graun bilong Botswana. Tasol i gat taim bilong senis i kamap na mekim ol i kamap narakain na naispela tru.

Taim mi stap long St. Peter Chanel Peris long Erima, planti manmeri i kam lukim mi long spirituel gaidens. Planti blong ol i stap long tudak. Ol i wokim kain kain pasin nogut olsem raskol, drag, spak na kamapim trabel, pamuk na narpela moa. Ol i bin stap long tudak. Na ol i amamas tru taim ol i wokim dispela kain pasin. Tasol wanpela taim, ol i bin kisim wanpela eletrik sok long stopim ol na tingting, na luksave olsem pasin bilong ol i no stap stret. Na ol i painim spirituel gaidens long helpim ol.

Wanpela bilong ol, em i wanpela man nogut tru. Em i bin kamap strongpela man bilong wokim raskol pasin, brukim benk na stilim mani, kilim planti man long kisim ka na mani bilong ol na planti moa. Taim em i stori wantaim mi, mi tu pret tru, bikos nogut em i wokim pasin nogut long mi tu. Tasol, olsem wokman bilong God, mi bin kisim strong bilong God, na harim serim bilong dispela man. Em i kam lukim mi bikos em i laik senis.

Taim em i tokim mi em i laik senis, mi salensim em; **“Trupela senis o giaman senis? Senis bilong laip o senis long sampela mun tasol?”** Em i tok; **“Tru Pater, mi laik senis. Mi les pinis long dispela pasin mi bin wokim. Mi tingim raskol pasin i bringim amamas na gutpela taim long laip bilong mi. Tasol i nogat tru. Stap olsem raskol man, mi no fri long wokabaut. Igat pret i save stap wantaim mi. Pret long polisman, pret long ol manmeri nogut sampela i luksave long mi. Mi no sindaun gut wantaim famili bilong mi. Moabeta mi lusim dispela pasin na wokim gutpela wok long helpim komuniti”.**

“Wanem kain gutpela wok, yu bai wokim long helpim komyniti?” mi askim em gen.

“Mi bai stat wantaim salim smok long rot. Em i wanpela gutpela wok long helpim manmeri i save smok. Bihain bai mi sevim liklik profit, na mi bai developim liklik bisnis bilong mi yet. Mi laik senis tru Pater”.

Bihain mi wokim prea long askim God long blesim gutpela plen bilong wok bilong em, na e m i go.

Long yia 2010, bipo mi lusim Erima na kam long Haunabada peris, em i bin kam lukim mi gen. Em i gat bikipela senis tru. Pastaim em i kam lukim mi, igat pret pasin i stap. Nau em i no pret moa. Em i kam tok tenkyu long mi na tok-save long mi. Prea na sapot bilong mi i bringim gutpela kaikai. Nau em i no salim smok long rot. Em i gat wanpela liklik stua long 9-mail. Em i salim kain kain samting long helpim nid bilong planti manmeri. Naispela a?

Ileksen bilong nupela Pop i stat pinis

ILEKSEN bilong nupela Pop o hetman bilong Katolik Sios long wol i stat pinis long dispela wik Tunde, na sapos olgeta samting i go stret, moa long tu bilian Katolik bai gat nupela hetman long pinis bilong dispela wik.

Long las wik Fraide, ol Kadinel i bin pasim tok olsem dispela wik Tunde Mas 12 em de bai ol i statim wok bilong votim nupela Pop.

I kam inap nau, 152 Kadinel i stap pinis long Vatiken na long dispela, 114 bilong ol bai vot.

Long las wik i kam inap long

Tunde, ol Kadinel i wok long bung na toktok long wok eku-menisim long sios, ol sariti wok na ol narpela bikipela samting i karamapim Katolik Sios tude.

Ol wokman i redim pinis plua o ples we ol bai putim tupela stov ol bai kukim ol balot pepa long tokaut ol i makim pinis, o nogat yet, long nupela Pop.

Long Tunde, ol bin opim ol wok wantaim Misa Lotu long Sen Peter's Basilika Sios na long apinun, ol bai wokim namba wan vot.

Long las 100 yia bung long makim nupela Pop i save kamap insait long 5-pela de

tasol.

Long wankain taim, i no klia long husat long ol Kadinel em planti i lukluk long votim em olsem neks hetman.

Bihainim ol bung toktok we ol Kadinel i holim long las wik, sampela long ol Kadinel i no wanbel long sampela samting i kamap insait long sios i gat long em gavanens insait yet long Vatiken.

Kadinel Timothy Dolan bilong Amerika i wanpela long ol kendidet husat inap long win na kamap Pop, i hetman bilong Katolik Sios long wol.

Long ol bung bilong ol we ol

i holim insait long bilding, Kadinel Dolan long blog bilong em i tok ol i wok long toktok long autim tok, ol bilip na tising bilong Katolik Sios, ol samting i sut long ol Katolik skul na haus sik, lukautim ol famili na ol bebi mama i no karim yet, sapotim ol pater na kisim moa nupela yangpela man long kamap pater.

Kadinel Dolan i tok dispela em ol bikipela samting, tasol pipel bai painim hat long bilipim bikos long strit, toktok em long korapsen long Vatiken, seksuel abius na mani.



SIOS: SIOS SEVIS: Ol bikman na meri bilong LWF i sindaun insait long lotu sevis long Kasel Sios long Witenberg, Jemani. **Poto: LWF Disemba megesin**



GIVIM WAR: Bisop Gerhard Ulrich i putim wara long wanpela yangpela diwai ol bin planim tasol long Lutheran Gaden long Witenberg. **Poto: LWF Disemba megesin.**

LWF bung glasim laip na wok bilong sios

OL bikman bilong Wol Lutheran Sios Federeesen (LWF) i bin sindaun long wanpela wik bikipela bung klostu long pinis bilong las yia hetkota bilong ol long Witenberg (Wittengberg) Jemani, we wanpela bikipela samting ol bin glasim em long tiolojikel edukesen.

Witenberg em i ples we faunda bilong Lutheran Sios, em Martin Luther i bin bruk lusim Katolik Sios na statim Lutheran Sios long 16th sensari.

Dispela bung em i bilong redim namba 500 anivesari bilong rifomesen bai kamap long 2017.

Ivanjelikel Sios long Sentrel Jemani na LWF Jeman Nesenel Komiti i bin lukautim dispela bung we i lukim 50 tiolojen o ol saveman bilong sios, ol sios

lida, ol eduketa na ol sumatin long ol memba bilong LWF na ol tiolojikel institusen long Afrika, Esia, Yurop, Latin Amerika na Not Amerika i kamap long en.

Het tok bilong bung em: “Secure foundations of the past and aspirations of the future: Lutheran Theological Education for Communion Building towards 2017.”

Dispela i min olsem “Holim pasim ol samting bilong pastaim na ol dispela long bihain taim: Lutheran Tiolojikel Edukesen bilong bungim olgeta wantaim long 2017”.

Bung i bin glasim na skelim ol bikipela samting long laip na wok bilong Lutheran Sios wantaim dispela bilong tude.

Moa yet, long ol eria i karamapim sait bilong trenim ol

pasto, ol sios lei manmeri (ol wok manmeri) we ol bin lukim olsem sios i mas lukluk strong long ol dispela eria.

Pablik tioloji na wok bilong ol sios lida long wok strong long ol sosaiti i mas lukim ol manmeri olsem ol i gat wankain rait, sanap long wankain level na i no sampela i rabisim ol narpela bikos ol i gat planti samting.

Ol bin pilim tu olsem ol pablik bung i save givim sans long sios sans long givim ol Kristen toktok na tu, kisim lainim, tasol noken lusim bilip na sanap bilong sios.

Strongim na mekim i go bikipela tiolojikel netwok bilong ol meri em i narpela eria we bung i bin lukim olsem praioriti eria we ol i mas wok long in-

apim long netwok bilong LWF.

Foapela samting we ol bin lukim olsem rot bilong muv i go fowet em:

- Sanapim ol rijenel na global netwok long serim ol eksperiens na risos i bildim pasin pren;

- Bildim pasin pren namel long ol tisa/eduketa na ol sios lida;

- Kirapim wanpela forum bai kamapim ol gutpela toktok namel long ol tiolojikel institusen na ol kongrikesen; na;

- I mas gat toktok wantaim, dairektori na serim namel long ol tiolojikel institusen, ol volantia na ol sumatin.

Bung i bin ron gut tasol, na long pinis bilong em, ol bin wokim lotu, na tu, ol sios lida i bin planim diwai long Lutheran Gaden long Witenberg yet.

Sen Charles Lwanga Peris lonsim Pastorel Plen

LONG dispela taim, olgeta oge-naisesen, sios, gavman na praiwet sekta i mas gat plen long bihainim na mekim ol wok bilong ol.

Long Katolik Sios, ol i kolim dispela Sios Pastorel Plen we ol wanwan peris insait long ol 20 daiosis long kantri i mas gat long givim ol stia, bihainim na mekim gut ol wok bilong ol.

Em i stat long nupela yia na ol Katolik Peris insait long kantri

i wok long lonsim ol Peris Pastorel Plen (PPP) bilong ol.

Sen Charles Lwanga Peris long Gerehu long Nesenel Kapitel Distrik i bin lonsim PPP bilong em long tupelo Sande i go pinis.

Peris Pris, Pater Mark Kautu i bin tok tok teknyu long ol parisina na moa yet, ol lain i stap long ol komiti i bin redim dispela PPP bilong ol.

Em bin tok ol lain i bin mekim

bikipela wok na nau, plen i stap pinis we bai stiaim ol long muv i go fowet na lukim ol wok go het i kamap long helpim ol perisina i strongim spirituel, sosel na fisikel laip bilong ol, famili, komyniti, peris na Asdaiosis.

Pater Mark i tok olgeta rijinel, liteji na ol spirituel grup insait long peris i mas lukluk gut long PPP na wanem ol progre bai kamap long wanem de na plenim gut ol wok program i no

pondaun long wankain taim.

Wanpela long ol samting we peris i strongim ol sios memba bilong en em long strongim preaia laip insait long famili, mekim ol wok long helpim ol turangu, strongim ol yut long peris i ken develop gut na go insait long ol program bilong peris, na moa.

Wanpela Misa Lotu i bin kamap long taim bilong lonsim dispela PPP.

Kwaliti edukesen i bikpela samting: Sinebare

Yaria skul bai gat nupela klasrum na haus tisa

Veronica Hatutasi i raitim

KWALITI edukesen em bikpela samting we olgeta i laikim long PNG, na i moa-beta nesenel gavman i putim moa mani em i kisim long ol risos bilong yumi yet i go long

sapotim gut edukesen na helt sekta.

Pastaim Edukesen Sekreteri long 11-pela mun tasol na nau gavman i pinisim em long wok, Dokta Musawe Sinebare, i tok.

Em i namba wan taim long Dokta Sinebare i kamaut long pablik na toktok bihain long gavman bilong O'Neill na Dion i bin stopim em long wok long Septemba 26 las yia, na Kabinet i wokim fainol disisen long pinisim em long wok Februeri 6 long dispela yia.

Dokta Sinebare i tok tu olsem yumi mas yusim ol nupela teknoloji yumi gat long en long bringim edukesen i go long pipel, planti i stap long ol ruel eria.

"Yumi gat bikpela wok long

kisim edukesen i go klostu long pipel, planti i stap long ol ruel eria.

"Long longpela taim nau, level o mak bilong edukesen long dispela kantri i no gut-pela na dispela i kamapim wari long ol lain i wokim ol edukesen loa, ol edukesen plena, ol tisa, ol papamama na ol gavman.

"Dispela em i gutpela sans long putim ol risos bilong kantri long helpim kamapim gut ol edukesen indiketa, na bikpela moa long ol em kwaliti edukesen we dispela gavman i wok long givim bikpela lukluk long en. Tasol dispela i mas stap long ol wok plen bilong gavman na yumi olgetal," Dokta Sinebare i tok.

Edukesen indiketa em ol dispela samting: Mak long pipel husat i ken rit na rait long kantri i stap antap we i min moa man, meri na pikinini i save long rit na raitn na ol i ken helpim long ol wok developmen bilong kantri, moa long mak long ol pikinini we krismas bilong ol i stap namel long 0-5 yia i stap laip na helt bilong ol i kamap gut, moa bel mama i karim na

stap laip

"Yumi mas kamap krietiv na skelim ol nupela rot na yusim ol nupela teknoloji na ol masin yumi gat long en long kisim edukesen i kam klostu long pipel. Yumi mas lainim long ekspirians bilong ol narapela kantri na kisim ol gutpela samting long stretim ol hevi yumi gat long en.

"Yumi ken bilip tasol long ol politikel lida bilong yumi i givim gutpela lidasip na stia long sapotim pipel bilong yumi long kamapim senis we bai helpim long kamapim gut ol edukesen indiketa bilong yumi bikos dispela em as we ol i save skelim yumi wantaim ol narapela kantri long sait bilong developmen," Dokta Sinebare i tok.

Long gavman i pinisim em long wok, Dokta Sinebare i tok em nogat belkros long dispela na em i lauksave long disisen we em (gavman) i mekim "taim em i lukim olsem mi no kisim sevis i go aut long pipel."

As we gavman i bin pinisim Dokta Sinebare long wok olsem edukesen sekreteri em long i no hariap o feil long

salim namba tu hap bilong fri edukesen skul subsidi i go aut long olgeta skul insait long dispela kantri.

Sampela long ol dispela skul i no bin kisim ol skul subsidi fi bikos ol nogat benk akaun na sapos ol i gat, Edukesen Dipatmen i mas sekim pastaim bipo ol benk i putim ol fan i go long ol wan wan akaun.

Dokta Sinebare i tok taim em i stap yet olsem sekreteri, em bin strongim olgeta skul long gat ol skul benk akaun bilong stopim pasin bilong paulim mani i save kamap taim ol skul i kisim ol sekmani.

Em i tok hevi i stap yet we sampela skul i no opim ol skul benk akaun bilong ol na dispela i bin stap yet long mun Februeri dispela yia taim gavman i mekim disisen long pinisim em long wok.

Em i tok taim em i stap yet olsem sekreteri, em bin tok em i wok bilong menesmen long stretim dispela hevi i tap long system.

Dokta Sinebare i tok tru, olgeta man i gat rait aninit long

loa long go long kot bilong loa long stretim samting sapos em i ting olsem oge-naisesen, kampani o gavman i no wokim gut long en, tasol long keis bilong em, em i luk-save long disisen bilong gavman, na tu, "papamama i skulim em long luksave long disisen bilong ol atoriti na olsem, mi wokim disisen long noken kisim ligel eksen," Dokta Sinebare i tok.

Long dispela taim, Dokta Sinebare it ok e mi wok long raitim ol buk na taim em bin stap long saspensen, em bin raitim tupela buk pinis. Na nau, e mi wok long raitim wanpela i stap we bai stori long 11-pela mun wok bilong em olsem edukesen sekreteri.

Taim em i autim tok tenkyu long olgeta lain husat i bin sapotim em taim em i stap olsem edukesen sekreteri, em i tok "yumi gat bikpela wok long mekim long kisim edukesen sevis i go aut long pipel.

Na em i tok em bai amamas sapos dipatmen i askim em long sampela helpim em i ken givim long ol.

YARIA komyuniti skul insait long Imbongu ilektoret bai gat tupela nupela klasrum, na wanpela haus bilong tisa dispela yia, Minista bilong Woks na Implimentesen na memba bilong Imbongu, Francis Awesa i tok.

Bihain long raun bilong em i go long Imbongu, Minista Awesa kisim helikopta i go long skul we i bin bungim ol sumatin na tisa husat i kirap nogut long em i go kamap long skul.

Minista Awesa i bin sapotim skul wantaim nupela klasrum.

Em i tok olsem dispela fri edukesen polisi, bai pulim planti sumatin i go long dispela skul na long wankain taim tu, em i yusim dispela raun long salensim ol sumatin long mekim gut skul wok bilong ol.

Long dispela wokabaut bilong em, minista i tok em i mekim em yet olsem wanpela eksampol long taim bipo we em save go long skul we em save wokabaut long longpela rot long Mendi i go long Erave.

Em i tok tu olsem ol sumatin mas ritim planti buk long helpim ol long lainim planti gutpela samting long skul.



Ol Gret 6 sumatin bilong Naru Praimeri skul long Madang Provins i bisi long klasrum wantaim tisa bilong ol i sanap long fran na mekim wok. Dispela skul i stap insait long Usino-Bundi distrik long Madang provins na i nidim helpim tu long ol desk na ol samting bilong skul. Em i nidim tu sampela moa tisa long helpim ol sumatin bikos namba bilong sumatin i go antap. **Poto: James Kila**

Yagama sapotim ol Usino-Bundi sumatin wantaim K2 milian

MEMBA bilong Usino-Bundi, Anton Yagama long las wik antap i tokaut olsem em i putim K2 milian insait long distrik baset o mani-plen bilong em long peim skul fi bilong ol sumatin long distrik husat i skul long ol bikpela koles na yunivesiti.

Em i tokaut long dispela taim em i wanpela sek we i

gat mani-mak olsem K57,735 I go long Madang Teknikol Koles long peim olgeta skul fi bilong 13-pela sumatin bilong Usino-Bundi distrik i skul long hap.

Mista Yagama i tok olsem planti lain i save lukim Usino-Bundi distrik olsem wanpela distrik i kam bihain tru long developmen na save kolim

em olsem 'baksait pes'.

"Olsem na stat long neks yia mi bai go het long sponsa na peim skul fi bilong ol sumatin bilong Usino-Bundi husat i skul long ol bikpela skul na yunivesiti, na ol dispela sumatin mi laik lukim ol i kam bek na helpim long developmen insait long distrik." Mista Yagama i tok.

Em i tok ol gutpela save-man meri bilong Usino-Bundi i mas kisim gutpela skul na go bek long distrik long wok long ol bikpela projek long hap olsem Ramu nikel projek, Yandera Main na tu Ramu Agri Inas-tri.

Ilektorel ofisa bilong Usino-Bundi MP, Augustine

Koroma i tok olsem MP Yagama i peim piniis ful skul fi bilong 700 sumatin, tasol i gat sampela hevi long sait long benk proses na ol skul i no kisim yet.

Distrik edministreta bilong Usino-Bundi, Jimmy Uguro i tokaut olsem namba wan hap bilong K1.6 milian mani we MP i putim I go pinis

long ol koles na yunivesiti long peim skul fi bilong ol pikinini bilong Usino-Bundi distrik.

Olsem na Mista Uguro i mekim bikpela askim i go long ol sumatin husat i stap insait long dispela helpim MP i givim long mekim gut skul wok na kisim gutpela ol mak.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Saina bai rausim ol leba kalabus

OL SINIA gavman opisal bilong Saina i tok ol bai rausim ol leba kalabus we i save bagarapim nem bilong Saina.

Ol gavman opisal i tok bai ol i rausim dispela sistem bilong skulim ol kalabus manmeri long mekim ol i wok olsem leba.

Aninit long dispela sistem, ol i save salim ol kalabus i go long ol leba kem na i mekim ol i wok long planti yia na i no toksave long famili bilong ol.

Long pinis bilong dispela wik taim miting bilong Saina palamen, em dispela National People's Congress, bai em i makim wanpela grup bilong lida husat bai kamap sampela man i gat bikipela pawa tru long wol.

Long ol longwe ples long Saina we i gat planti sno na ais, em i gat samting olsem 350 leba kem we i gat samting olsem 160,000 kalabus husat ol i no bin kotim ol, na ol i salim ol i go kalabus.

Em ol lokol polis na opisal tasol i salim ol i go long ol dispela leba kem na ol i mekim ol i save wok hat nogut tru na ol i save paitim ol.

Planti loya long Saina i save tokaut agensim dispela sistem, na i tok em i rong long mama loa bilong kantri.

Sampela sinia opisal long National People's Congress i laikim gavman i mas rausim hariap.

PNG Westen boda sekyuriti

GAVMAN bilong Papua Niugini i salim ol soldia long lukautim ol risos projek long boda wantaim Indonesia long Westen Provins.

Dispela em long wanem gavman i laik long ol i lukautim ol ges paipain i stap long Hailans, na i go daun long Westen provins boda hap wantaim Indonesia.

Long bodamak long Westen Provins i nogat ol sekyuriti fos i save wok lukautim dispela eria.

Kepten Tom Urr, Sif ov Staf bilong PNG Difens Fos, i tok 100 long ol soldia nau bai ol i salim i go long lukautim ol projek developmen long hap.

Em i tok ol soldia ya bai go taim gavman i givim mani long ol.

US soldia i dai long Afganistan birua

TUPELA soldia bilong Amerika ol i bin sutim dai long wanem ol i kolim 'insaida atek' long Afganistan.

Sampela bilong Afganistan husat i wok wantaim ol Amerika tu i bin dai long wanpela ami bes klostu long kapi- tel, Kabul.

Wanpela Afgan polis opisa i tok wanpela opisa bilong ol i kisim wanpela masin gan na i sutim ol US spesol operesen foses.



LAIK RAUSIM:

Wanpela nupela sinia memba long Saina Xi Jinping, bai kamap nupela presiden bilong Saina long dispela wik.

Wanpela gan pait i kamap na dispela man husat i statim pait tu i bin dai.

Dispela i wanpela long ol kain atek o birua olsem we i save kamap namel long ol kolisen foses na ol Afgan foses.

Moa long 60 NATO soldia nau i bin dai pinis long ol kain atek olsem, long wanpela yia i go pinis.

Dispela kain pait namel long ol wanwok i bagarapim wokbung bilong tupela.

Planti long ol foren foses bai lusim Afganistan long pinis bilong dispela yia.

Australia laikim Gillard PM gen: Niuspol

OL Australia Leba MP i bung gen bihain long Newspol i soim olsem Julia Gillard i winim Tony Abbott gen olsem gutpela long praim minista.

Labor franbensa Craig Emerson, i tok em i ting ol Labor memba i amamas long dispela sevei we i soim Julia Gillard i winim gen Tony Abbott olsem gutpela long stap olsem praim minista.

Dispela wok painimaut we ol i tokaut long en i soim olsem Julia Gillard i kalap sikspela poin na i kamap long 42 pesen na Mista Abbott i stap long 38 pesen.

Praimeri vot bilong Labor i go antap tu long 34 pesen, na koalisen i go daun long 44.

Tasol Koalisen i stap long 52

pesen na Labor 48 long husat long tupela Australia i laik long bosim gavman.

PNG Palamen i lusim wanpela memba bilong en

PNG Palamen i bin lusim wanpela memba bilong Is Sepik, Ludwig Schulze, husat i bin sik na indai.

Shulze i bin dai las wik Fraide long Pacific Intanesenel Haus Sik long Pot Mosbi.

Em i bin go insait long palamen long 1992, makim ol pipel bilong Angoram long Is Sepik provins bilong PNG, na i bin holim wok olsem minista bilong polis.

Mista Shulze i bin lusim sia bilong em i go long Arthur Somare long 1997 jeneral ileksen, tasol i no bin inap long winim bek tenpela yia bihain long 2012.

Praim Minista Peter O'Neill i bin tok em i sori samting long lukim palamen i lusim memba i makim yet pipel bilong em.

Lida bilong oposisen, Belden Namah tu i bin givim tok sori bilong em.

Ilektoral Komisin bilong PNG i bin tok bai gat bai-ileksen long makim nupela memba long taim ol bai makim bihain.

Saiklon Sandra i stap yet long Solomons

OL PIPEL long Solomon Ailans i kisim woning long was gut yet long Saiklon Sandra.

Solomon Ailans mitioroloji sevis i wok long askim yet ol pipel long stap isi long ol haus bilong ol, na noken go aut long solwara long wanem saiklon Sandra i wok long hamarim yet kantri long dispela taim.

Saiklon Sandra nau i wok long kamapim ol strongpela win na ren long olgeta hap bilong kantri.

Em i wok long stap klostu yet long Rennel Ailan.

Ol i givim pinis tu ol woning o tok lukaut olsem Saiklon Sandra i luk olsem em bai go olsem long Nu Kaledonia long ol dispela de i kam.

Long namel taim, weda fokas opis i wok askim ol pipel long was gut.

PNG gat ol nupela enimal long bus

OL saintis i tok ol i painim wanpela nupela samting em ol i no lukim bipo long wol, long Papua Niugini.

Ol dispela saintis i bin lusim wanpela mun olgeta long mekim wok painimaut long Hindenburg Wall, wanpela ples em i pulap

long laimston o karanas, long Wes bilong kantri.

Oli tok olsem ol i bin painim etpela- ten o eiti (80) nupela diwai na enimal long dispela hap.

Man husat i go pas long dispela projek, Nathan Whitmore, i tok dispela ples em i wanpela hap ples we em i pulap tru long ol kain kain samting, na i winim olgeta arapela hap long wol.

Namel long ol piksa em ol i bin kisim, ol i gat piksa bilong liklik magani tru long wol.

Ol i bin painim tu sampela nupela kain rat, na wanpela long ol em i bikipela, winim wanpela liklik dok.

Aung San Suu Kyi em Opisisen Lida gen

AUNG San Suu Kyi i kam bek olsem lida bilong Oposisen long Bema (Burma) taim ol i lukluk long ileksen bai kamap.

Oposisen bilong Burma i makim bek gen Aung San Suu Kyi olsem lida bilong pati bilong ol.

Mausman bilong pati i tok politikal prisina o kalabusmeri bilong bipo ya i nogat wanpela i sanap agensim em long vot bilong dispela Nesenel Lig bilong Demokrasi Sentral Komiti (National League for Democracy Central Committee).

Planti handret NLD memba i bung long soim strong bilong ol, we i samting ol i hat long wokim aninit long wanem ol i kolim, junta rul.

Mis Suu Kyi i singaut long pati bilong en long kisim dispela sans bilong winim ileksen long 2015 long gutpela pasin bilong vot.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



KOMENTRI

'Wantok Sistem' noken kamap pasin bilong oltaim

PASIN we yumi long PNG i save kolim long 'Wantok Sistem', i noken kamap olsem pasin bilong yumi ol geta.

Nem bilong PNG, i noken tru pas wantaim dispela pasin bilong lukautim wantok bilong yu bikos yutupela yet bilong wanpela ples na tokples.

Dispela wanpela kain luksave na pasin, we yumi ol PNG yet i save givim long ol wanples, planti manmeri i save lap na tok pilai long en. Tasol em i no wanpela gutpela samting.

Wantok sistem tasol i save lukim ol bikmanmeri bilong yumi i winim ol bikpela gavman wok, na bihain, bai ol i stat long rausim ol gutpela wokmanmeri, na makim ol wan-famili, wan-skul, na wan-marit i go long ol bikpela wok bilong gavman na pablik sevis.

Ol bikpela wok stil, nau i wok long kamap ples klia aninit long glasim bilong Task Fos Sweep.

Wanpela bikpela hap we pasin stil i save kamap, em long makim ol kontrak bilong ol gavman projek i go long ol kontrakta.

Long Mosbi siti tude, i gat kain kain manmeri i kirapim kain kain liklik wok bisnis olsem ol kontrakta.

I gat kontrakta bilong mekim rot, planim flawa, klinim rot, na kain kain samting.

Husat ol dispela bisnismanmeri, em yumi no save.

Yumi lukim ol i save draiv raun na mekim wok, tasol mak na save bilong ol long mekim wok, em yumi no save.

Wok bilong givim kontrak, em yumi mas i gat ol man i gat strongpela tingting, na trupela bel, i mekim.

Luksave bilong wanwan kontrakta, na skelim long givim ol projek long ol, i mas bihainim stret mak ol i gat long mekim wok, na stendat bilong wok bilong ol.

Namba wan wok bilong ol pablik sevan insait long ol gavman opis na dipatmen, em bilong givim namba wan sevis mak long yumi ol pipel.

Em i no wanpela bikpela samting.

Wok em long skelim olgeta kontrakta, stori na histori, na tu, hanmak ol i gat pinis, na sekim sapos ol i ken mekim gut wok, na wok we inapim manimak gavman i skelim.

Pasin bilong luksave long wan-memba, o wan-bisnispren, o wanples.

Dispela kantri, na olgeta samting bilong en, em i no bilong yumi nau i stap long en. Nogat. Em bilong ol lain tumbuna bilong yumi tu.

Na i no olgeta i kam long wanpela ples tasol.

2012 Ileksen dinau stap yet long Kokopo

Michael Novingu i raitim

SAMPELA sevis provaida long Kokopo, Is Nu Briten, i singaut long Ilektral Komisin long ol i mas peim ol sevis ol i bin givim long taim bilong 2012 Nesenel Ileksen.

Desmond Uriap Ningi, husat i wanpela sevis provaida, i tokim Wantok Niuspepa olsem Ilektral Komisin i no stretim em

long em i givim sevis i go long ol woklain bilong Komisin long taim bilong ileksen long 2012.

Em i tok olsem kar bilong em, Ileksen Stiarim Komiti i bin haiarim long taim bilong ileksen, na ol i no peim em yet.

Moa yet, em i tok olsem ol sevis provaida long Rabaul, Gesel na Pomio, ol i peim ol pinis, na ol lain long Kokopo, i no yet.

"Bilong wanem na ol i kisim longpela taim long stretim mipela?" Ningi i askim.

Mista Ningi i singaut long ol bosman bilong Ilektral Komisin long rausim bosman bilong ol long Is Nu Briten, bikos em i no wokim wok bilong em wantaim trupela na stretpela pasin long stretim ol sevis provaida.

Em i tok olsem lokol level gavman ileksen i kam klostu, na ol i mas stretim ol dinau bilong 2012, pastaim long LLG ileksen i kirap.

Ningi i tok, "Sapos Ilektral Komisin i no stretim mipela hariap, mipela bai painim ol arapela rot long helpim mipela long kisim bekim long ol dinau bilong mipela i stap wantaim Komisen."



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela via, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general term acceptance are available at Word Publishing Company Ltd and are set out full on the display advertising form.



BILAK YET: Smuk we i save toksave long wol sapos ol i makim pinis nupela pop, em i bilak yet, i kamaut long simni o smuk pait long Vatiken siti. Dispela i soim olsem i nogat disisen yet bihain long namba wan de bilong vot long Tunde.



TRAIM LONG KILIM HITLER: Wampela bipo ami leftenen bilong Jemani, husat i bin stap insait long tupela wok traim kilim dikteta Adolf Hitler, nem bilong en Ewald-Heinrich von Kleist, i dai pinis wantaim 90 krismas. Long 1944, taim em i bin gat 22 krismas tasol, Kleist i bin werim wampela bom-siot long traim kilim Hitler, tasol em i no bin gat sans long bungim em na kilim em.



WILWIL I GO: Long taim bilong bikpela kol na ais i pundaun long skai, sapos kar i nogat strong, wilwil i stap. Dispela man Jemani i pamim lek na holim am-brela gut tru. Bikpela taim bilong kol i hamarim Yurop na givim hevi long ol pipel.



SAN KIRAP: San i brukim skai long Tunde bik-moning long Vatiken Siti we ol Kadinel i bung long votim wampela nupela pop.



RAUSIM AIS: Wampela wokman bilong ples balus long Frankfurt long Westen Jemani. Namba tri bikpela ples balus long Yurop i opim gen wampela ranwe bilong en long larim ol balus i kirap, bihain long ol i pasim dua long bikpela pundaun bilong sno o ais.



SNO HEVI: Ples i kol, tasol ol dispela lain manmeri long Cambrai, long Noten Frans, i brukim sno. Bikpela kol tru i karamapim noten Frans.

Dem long Finistia Maunten bringim bikpela pret long pipel

James Kila i raitim

TRU tumas ol bikpela ston ya winim sais bilong haus na kar tu wantaim....Ol traipela mama bilong ston stret na bikpela antap moa yet winim sais bilong ol man tu ya"

Long Trinde nait namel long 8:30 na 9-kilok long nait ol famili long Yalau viles na blok klostu long en i sindaun malolo arere long paia na dring ti bikos bikpela ren i pundaun autsait na ples tu i kol.

Taim ol i sindaun i stap, ol i harim bikpela nois tru na pairap i kamdaun olsem long maunten bilong Finistia Rens. Dispela nois ol i tok em wankain olsem pairap bilong enjin bilong balus. Na i no long taim ol i harim pairap bilong bikpela wara Gawar i kamap na ol ston i paitim paitim ol yet.

"Mipela i guria stret na pret nogut tru na wantu tasol mipela i ronawe i go kism ol pikinini bilong mipela long bet na ronawe i go long ol seif ples longwe long Gawar riva," Tauria Mayang i mekim dispela stori long *Wantok Niuspepa* arere long Gawar riva long las wik Tunde.

Dispela bikpela tait-wara i bin kamap long Trinde, Februari 28 long samting olsem 8:30 na 9:00 kilok long nait, taim ren i wok long pundaun na planti ol liklik pikinini i slip pinis bikos ples tu i kol.

"Mipela laki stret long stap laip na givim stori. Em olsem mirakol olsem mipela stap laip bikos tru tumas mipela lukim ol bikpela ston i flot i kam wantaim wara olsem ol raba bal,

"Maski olsem ol bikpela ston, mipela lukim ol i trip na ron i kam daun wantaim wara olsem ol hap pepa na ol ston na i luk olsem man tromoi han long mipela taim wara i karim ol i kam," Tauria Mayang i stori olsem.

Moa long 72-pela haus wantaim ol manmeri na pikinini em namba i sanap olsem 500 i kism taim stret taim tait bilong Gawar riva wantaim ston i bagarapim gaden kaikai bilong ol na tu rausim sampela haus-pik na haus-kakaruk na karim i go.

Long sem nait taim dem antap long Finistia maunten i bruk, hap bilong em i mas go olsem long Tauta na pundaun i go olsem long Ramu Suga sait na kamautim Surinam Bris long Madang-Ramu Haiwe. Dispela hevi i mekim trefik na ron bilong ol bikpela kar na PMV i stop moa long wanpela wik olgeta. Planti pipel i kism taim liklik.

Long Raikos sait i lukim planti lain i lusim ol kakao gaden na rais gaden bilong ol taim bikpela wara long maunten i karim bikpela ol ston na graun i kam bagarapim tru ol gaden na ol pik na kakaruk banis.

Dispela bikpela hevi bilong wara tait i kamautim tu bikpela paip bilong karim nikel/kobalt antap long Kurumbukari i go daun olsem long Basamuk rifaineri bilong developa, Ramu NiCo Menesmen (MCC) Limited, tasol laki tru olsem dispela

paipplain i no bin bruk. Ol ston i paitim paitim sait bilong paip, tasol em i stap join yet.

Long las wik Trinde, ol gavman ofisa bilong Madang Provinsal Disasta ofis i bin go mekim asesmen o sekim ol bagarap i kamap long ol pipel na ol samting arere long Gawar riva.

Wanpela waia-bris em ol pipel i save yusim long wokabaut i go kam long viles tu i bungim hevi. Ol bikpela ston mas rol kamdaun wantaim wara na brukim wanpela seksen bilong bris long Mingming. Long nau yet, ol frem na sampela hap wara long sait sait tasol i stap, tasol ples bilong wokabaut long namel i raus na bai nidim ol wokman long stretim na ol pipel i ken yusim gen.

Dispela hevi bilong bikpela wara i tait long Gawar em wanpela bikpela hevi we i lukim ol netsural dem i kamapim bikpela bagarap.

Imoro Bou, wanpela man husat i save stap long Yalau setelmen i tok olsem ating ol dem we wara i bung long en antap long maunten i mas bruk na i karim ol bikpela ston wantaim ol diwai na graun na kamdaun na bagarapim ples.

Turangu, planti ol ples lain long Yalau na ol lain long blok i kism hat taim tru nau long sait long kism gutpela klinpela wara long dring.

Dispela bikpela tait wara tu i surik i go insait long wanpela loging kampani kem bilong Postie long Yalau na karamapim sampela ol masin we i bagarap na sanap long sait. Graun solap na karamapim tu sampela haus long hap.

Turangu ol lain husat i stap long Potsie Loging kem i muv i go stap long Yalau nambis bikos eria bilong ol tu i bagarap long dispela bikpela tait wara.

Ol lain bilong Madang provinsal disasta ofis i bin raun i go long dispela ples na kism ol poto long mekim ripot bilong ol. Tasol, wanem taim gavman bai givim helpim i go long ol pipel em bikpela kwesten mak i stap.

Wanpela bikpela hevi nau ol pipel husat i sindaun arere long Gawar Riva na ol arapela bikpela riva insait long Raikos distrik i tok-tok long en em ol bikpela natural dem we i stap yet antap long Finistia Rens maunten. Dispela ol bikpela dem i ken bruk na kamdaun gen na bagarapim ol ples, kilim ol manmeri na ol arapela samting.

Olsem na ol pipel i mekim bikpela askim sapos Madang Provinsal Gavman wantaim edministresen i ken salim tok long PNG Difens Fos Enginiaring Batalion long Igam long flai long helikopta i go antap long ol bikpela maunten na blowim ap ol dispela dem.

Ol PNGDF, aninit long sivik wok bilong en i ken salim ol saveman bilong en, i go antap na putim dainamait na blowim ol dispela dem na rausim ol bikpela wara i bung na pulap i stap.

Imoro Bou i tok ol pipel i laik go bek na plainim ol kaikai long graun we wara i no bagarapim, tasol pret

i stap yet bikos i gat ol dem i stap antap yet long maunten na taim bilong bikpela ren o bikpela guria, ol dispela dem i ken bruk na salim ol bikpela graun, wara na ston wankain olsem dispela i kamap long Trinde, Februari 28.

Leffy i poin long eria we i gat kakao gaden pastaim em ston na graun i karamapim pinis.
Ol Poto: James Kila



Ol Madang Disasta opisa toktok wantaim ol pipel.



Tambu bilong ol Raikos, Jimmy, i sanap skelim sais bilong ol bikpela ston Gawar Riva i karim kamdaun.



Ol manmeri bilong Yalau blok i laki tru long stap laip.



Bikpela bagarap we i bin kamap long dispela loging kem bilong ol Malesia kampani long Yalau.

Raun wantaim Wantok kru ...

Nagomeds laik bringim 'Singsing'

James Kila i raitim

WANPELA nupela ben bilong ples Bambu insait long Nayudo eria long Nahu-Rawa katim pinis wanpela nupela kaset album bilong ol we i gat stail bilong singsing tumbuna we i ken bringim sore na wari.

Moa long en tu dispela nupela grup em stail bilong musik bilong en i klostu wankain olsem ol lain Siassi Heritage, tasol stail bilong ol em narakain na em i bihainim singsing tumbuna bilong ples bilong ol stret ol i kolim "Singsing Siamo".

Kaset album ya em Nagomeds i katim wantaim Phoenix d Digital Rekoting aninit long lukaut bilong Jacob Kawage, husat pastaim em lid gitaris na enjinia wantaim Tumbuna Traks Studio.

Dispela nupela grup em Nagomeds na i gat 7-pela yangpela man bilong ples Bambu i stap insait long ben. Ol dispela grup em Ben Munash, Ben Mait, Nickson Bangepe, Irim Yangua, Boti Benny, Willing Wiwike na Maisty Heto.

Wanpela bikpela sore tru em olsem tupela memba bilong grup Nagomeds i lusim laip bilong ol bipo long kaset bilong ol i kamaut. Wanpela long ol lain na em man husat i singsing long kaset em Willing. Sore tru olsem ol lain bai harim tasol nek bilong em.

Dispela grup Nagomeds em namba wan grup bilong Nayudo eria long katim nupela kaset na ol i amamas tru long promotim kalsa bilong ol i go aut long ol pipel bilong PNG.

Ol manmeri husat i save amamas long harim stail bilong singsing tumbuna nau i ken harim Nagomeds long kisim filings.



Ol memba bilong Nagomeds ben bilong Nayudo long Raikos distrik

[illegible]

TORO**BIABIA**

KANAGE



TOKWIN

Koki krai olsem dok...

I GAT wanpela koki i stap long Renbo Viles na flai raun long olgeta haus. Bai yu harim koki i krai na bai flai kamdaun o ol arapisin olsem wiliwegtel bai ronim em i go i kam bikos haus bilong ol i stap long diwai.

Wanpela taim mi go raun long hap ples we koki i stap long na mi laik baim buai long wanpela sigi Tari long hap. Mi kaikai buai i stap na harim wanpela dok i singaut i stap. Mi tanim na painim

dispela dok i stap.. Mi
lukluk long banis we
em singaut tasol
nogat wanpela sain bi-
long dok. Em singaut
gen na mi lukluk i go
antap na kirap nogut
long lukim dispela koki
i singaut olsem dok!
Mi sanap tasol na luk-
luk long koki na planti
tingting i kamap long mi. Koki i ken
toktok olsem man, wisel. Tasol
singaut olsem dok em narapela
samting. Koki tu i luk deti tru na
mi save, dispela koki i no save sin-



daun long wanpela haus tasol. Em
save raun tumas. Em luk olsem ol
doti maket lain bilong Renbo
maket.

Tokwin Tasol...

EMTV Television Guide

10:00 PM MAO	MOVIE: "TITANIC" Drama	1:50pm	Grade 6 Science	5:00 AM G	JOYCE MEYER	8:30 PM PGR	NIKITA S1/EP# 9 – "One Way"	3:30 PM	SHARKY'S FRIENDS
	Romance	2:30pm	DEPI Program	5:30 AM G	EMTV NEWS REPLAY	9:30 PM G	EMTV NEWS REPLAY	4:00PM	SURPRISES
11:30 PM G	HILLSONG Rpt. . . .	3:30 PM G	KIDS KONA	6:30 AM G	TODAY	10:30 PM G	AUSTRALIA NETWORK	4:30PM	SLEEPOVER CLUB
12:00 PM G	NATIONAL EMTV NEWS – Replay	3:30 PM	SHARKY'S FRIENDS	9:00 AM	CLASSROOM BROADCAST			5:00 PM G	MR. MAKER #06
12:30 PM G	AUSTRALIA NETWORK	4:00PM	SURPRISES	9:00am	Grade 7 Mathematics		TRINDE MAS 13, 2013	5:30 PM G	FUNNIEST HOME VIDEO SHOW
		4:30PM	SLEEPOVER CLUB	9:50am	Grade 7 Science			5:57 PM G	CRIME STOPPERS
		5:00 PM G	KITCHEN WHIZ	10:40am	Grade 8 Mathematics			6:00 PM G	EMTV NATIONAL NEWS
	MANDE MAS 11, 2013	5:30 PM G	FUNNIEST HOME VIDEO SHOW	11:20am	Grade 8 Science	4:57 AM G	AUSTRALIA NETWORK	7:00 PM G	FACT FILES: "Living by the Book #1"
		5:57 PM G	CRIME STOPPERS	1:00pm	Grade 6 Mathematics	5:00 AM G	JOYCE MEYER	8:00 PM G	TOK PIKSAEp#8– Repeat.....
		6:00 PM G	EMTV NATIONAL NEWS	1:50pm	Grade 6 Science	5:30 AM G	EMTV NEWS REPLAY	8:30 PM PGR	THE MENTALIST S1 Ep#9/23: "Flame Red"
		7:00 PM G	NRL ROUND 1 – KNIGHTS vs. WESTERN TIGERS	2:30pm	DEPI Program	6:00 AM G	TODAY	9:30 PM G	EMTV NEWS REPLAY
4:57 AM G	AUSTRALIA NETWORK	8:57 PM G	EMTV TOKSAVE	3:30 PM G	KIDS KONA	09:00 AM	CLASSROOM BROADCAST	10:30 PM G	AUSTRALIA NETWORK
5:00 AM G	JOYCE MEYER	9:00 PM G	SPORTS SCENE EP#06	3:30 PM	SHARKY'S FRIENDS	9:00am	Grade 7 Mathematics		
5:30 AM G	EMTV NEWS REPLAY	9:30 PM G	EMTV NEWS REPLAY	4:00PM	SURPRISES	9:50am	Grade 7 Science		
6:00 AM G	TODAY	10:30 PM G	AUSTRALIA NETWORK	4:30PM	SLEEPOVER CLUB	10:40am	Grade 8 Mathematics		
09:00 AM	CLASSROOM BROADCAST			5:00 PM G	KITCHEN WHIZ	11:20am	Grade 8 Science		
9:00am	Grade 7 Mathematics			5:30 PM G	FUNNIEST HOME VIDEO SHOW	1:00pm	Grade 6 Mathematics		
9:50am	Grade 7 Science			6:00 PM G	EMTV NATIONAL NEWS	1:50pm	Grade 6 Science		
10:40am	Grade 8 Mathematics		TUNDE MAS 12, 2013	7:00 PM G	HAUS & HOME EP#5	2:30pm	DEPI Program		
11:20am	Grade 8 Science			8:00 PM G	BUSINESS PNG – Ep#8	3:30 PM G	KIDS KONA		
1:00pm	Grade 6 Mathematics	4:57 AM G	AUSTRALIA NETWORK						

OI Program na Kilok i ken senis oltaim...

Ol Proqram na Kilok i ken senis oltaim...

2		4	9	6		1		5
	3			8				
	8	1				4	9	
7			1	4			3	9
		3		9		2		
9	6			3	2			1
	2	7				3	6	
				7			1	
3		6		1	4	8		

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

**Ansa
bilang
las wik
Sudoku**



NEM: Joshua Malken
KRISMAS: 30 (Man)
ADRES: PO. Box 4132, Destiny F/Ship, Lae Morobe Provins
SAVE LAIKIM: Go Lotu, pilai musik, singsing na preisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

NEM: Elijah Hombo
KRISMAS: 23 (Man)
ADRES: Nisol Elementary School, PO. Box 538, Lae 411, Morobe Provins
SAVE LAIKIM: Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

NEM: Danny Henz
KRISMAS: 38 (man)
ADRES: PO. Box 4731, Lae, Morobe Provins
SAVE LAIKIM: Pilai gita, Go Lotu, Pilai soka, wokim haus na gaden.

NEM: Stanford Jackson
KRISMAS: 18 (Man)
ADRES: Komnaik Stationary Ltd, PO. Box 182, Mendi, SHP
SAVE LAIKIM: Go Lotu, Watsim TV, Pilai ragbi tas, Tok pilai na stori wantaim ol lain.

NEM: Dulcie Ben Mandi
KRISMAS: 23 (Meri)
ADRES: M&S Tsang Cash & Carry, PO. Box 19, Madang, Madang Provins
SAVE LAIKIM: Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim klos na Klinim haus.

NEM: Mocksy Gudego
KRISMAS: 19 (Meri)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Pilai Musik, Harim musik na ritim buk.

NEM: Ivan Gudego
KRISMAS: 17 (Man)
ADRES: C/-Joshua Sono, PO. Box 77, Kiunga, Westen Provins
SAVE LAIKIM: Go Lotu, Harim musik na painim poro.

NEM: Peter Kul
KRISMAS: 22 (Man)
ADRES: St. Edward Ambang - C/- PO. Box 28, Banz, Jiwaka Provins
SAVE LAIKIM: Raitim leta, Ritim buk, Pilai gems, Tok pilai, Harim musik na watsim TV.

NEM: Junior B. Dii
KRISMAS: 31 (Man)
ADRES: College of Distance Education, PO. Box 2071, Yomba, Madang Provins
SAVE LAIKIM: Go danis, Harim musik, Watsim TV, Tok pilai, Kisim wara na go swim

NEM: Yakias James
KRISMAS: 18 (man)
ADRES: Annia Village C/- Kanabea, Catholic Mission, PO. Box 220, Kerema, Gulf Provins
SAVE LAIKIM: Ritim Niuspepa, Pilai musik, Pilai soka, volibol, basket bol, Harim Stori.

Raun wantaim Kanage olgeta wik

Rais i no kuk yet...

KANAGE i stap wantaim meri bi-long em longpela taim nau. Wanpela apinun, meri bilong Kanage i redim pot kaikai na putim long paia. Meri hariap i go waswas bikos ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long haus long kisim sop. Em i go antap long kisim sop na lek bi-long em i wel na turangu hariap holim sait long haus. Tasol taul i lus. Kanage lukim olsem na em i opim ai na tok, "Aiyo..., rais i no kuk yet na Ox & Palm op pinis...".

Soulist Raiiotz Madang

Kros long beltait

WANPELA moning, papa Kanage go wok long gaden. Em wok i go na hang-ere kisim em. Em kam bek long haus na meri bilong em skelim kaikai bilong em. Kanage kaikai pinis na em tokim meri na pikinini meri bilong em, "yu tupela i go na karim ol paiauwut mi brukim pinis na i stap long gaden". Pikinini meri bi-long em les. Papa Kanage belhat na em tokim em, "Yu les long wanem! Bai yu stap tasol olsem! Bihain yu marit, man bilong yu bai mekimsave long yu long dispela kain pasin". Mama harim Kanage hatim pikinini meri na em tokim



Kanage, "Inap ya! Maski long kros". Papa Kanage tanim em tokim mama, "Mi gat rait long kros na skulim em long wok. Yu noken tokim mi long pasim maus. Yu tupela les long mi kros, orait, yu tupela i go na painim rot long kaikai na kisim mani!"

P Posou

Rough! Rough!

AMERIKA na wanpela Papua Niugini pikinini, tupela i pilai long gras stap na skin blong tupela i sikarap. Papua Niugini kirap na tok inglis long Amerika olsem, "Yu Rough me first, then I rough you. Together we rough rough".

Tupela Marit

TUPELA marit stap longpela taim na man i go marit wantaim wanpela niupela meri. I no long taim ol i painim aut na putim tupela long kot. Taim kot i askim tupela, tupela i tok yes! I no long taim namba wan meri kirap na tok, "mi wanbel long tupela wokim,

Man bilong mi i raun wantaim marit meri

Dia Laipain

MI MARIT long 10-pela yia, na mi gat tupela naispela pikinini. Mi na man bilong mi em mitupela ol Kristen lain. Mi wok long glasim man bilong mi stat yet long mitupela i marit na long namba 5 yia bilong marit, mi painimaut olsem em i wok long paul wantaim wanpela marit meri.

Wanpela taim, mi bungim dispela meri long opis bilong em na mitupela i pait. Bihain long dispela, mi bin ting olsem tupela i stopim paul na raun pasin, tasol nogat. Mi harim ol stori olsem tupela i poroman paul raun yet. Insait long 5-pela yia, man ya i wokim planti samting long dispela meri. Meri ya bai lusim man bilong mi o?

Worried about my children Dia Pren,

TENKYU long serim wari bilong yu wantaim mipela. Mipela i sori long kain hevi olsem yu bungim long en. Yutupela marit em ol Kristen na yu wok long mekim samting long traim stretim hevi i kamap long marit laip bilong yu.

I gutpela olsem yu wok long traim mekim samting long stretim wari na hevi bilong yu. Taim ol man i komplek na i no mekim samting long stretim wari o hevi, hevi bai stap yet na i ken go bikipela sapos ol i lusim olsem i stap. Taim man-meri i luksave olsem i gat hevi i stap na mekim samting long stretim, ol i kamap papa bilong hevi o wari we ol i mas lukim olsem ol i stretim. Pren, mipela i bilip olsem yu bin traim



long toktok wantaim man bilong yu long dispela hevi tasol yu no tokim mipela em i tok wanem. Sapos yu no tokim ol papamama bilong yu long dispela samting, i moabeta yu tokim ol na ol ken helpim yu long dispela hevi yu gat long en. Na ol lotu pren bilong yu? Yu ken toktok long sios pasto o ol gutpela marit lain we i ken givim yu gutpela stia na tok-tok.

Marit bilong yu i gat luksave long ol loa bilong yumi long kantri olsem sios, sivil na gavman o kastom pasin?

Hevi long paul pasin namel long ol marit lain long dispela kantri i wok long go bikipela na em i wanpela bikipela samting we yumi mas klia long en. Yumi save olsem i gat planti mama na papa we i bungim dispela hevi, tasol ol i no toktok. Ol stap isi na karim hevi ol yet. Sampela i mas tingting long nem na luksave ol i gat long en, sampela i pret long ol man bai paitim ol nogut, sampela i pret olsem dispela samting bai kamapim sem long ol, sampela i gat mani hevi, sampela ol pikinini na planti moa.

Yu ken kisim Ristrening Kot Oda long man bilong yu na dispela marit meri sapos ol i wok long pren na paul wantaim yet.

tasol mi laikim plastik contena wara bilong mi mas karim i kam long mi yet".

Masol man

WANPELA bun kakaruk man pikinini kirap na askim bata bilong em.

Olsem wanem long ol man i save bikipela na masol man nambaut ya? Bata bilong em kirap na bekim olsem "Ol save dringim planti sup". Dispela pikinini ya harim na olgeta taim em i no save westim long dringim sup. Olgeta taim em save mekim olsem na wanpela taim em tok long em yet olsem, "Man ating ol sup mi wok long dringim ya inogat gris long en olsem pik bilong Sepik". Sapos pik bilong Hailans em mi masol man nau!

Ol skwat!

Salim ol gutpela Kanage tok pilai i kam long: Kanage Tok Pilai P.O. Box 1982, Boroko, NCD Port Moresby.

Email: jwilson@wantok.com.pg

Laipain i save promotim helti marit we i gat amamas long en. Sampela taim, wanpela i mas sanap strong na wokim samting long kamapim senis na stretim hevi olsem dispela yu gat long en.

I moabeta yu lukluk gut long rot yu bi-hainim long stretim hevi yu gat long en. Long kamapim hevi, tupela lain wantaim insait long en. Watpo na dispela hevi i kamap? Em i stat olsem wanem? Sampela ol samting em yu yet i mas askim yu yet na ansaim ol.

God i God bilong laik pasin na kamapim bel isi pasin. Em i gat intes o laik long laip na welfea bilong yu. Go long God bikos em i laikim yu. Ritim Matyu 11: 28 na Romans 8:28.

Ringim mipela long namba 3260011 long kisim moa stiatok o kam long opis bilong mipela na yumi ken toktok na yu ken kisim kaunseling tu.

God i ken givim yu bel isi na gutpela tingting.

Pren bilong yu Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu. Laipain

Nupela haibrid kakau gat banis agensim pod bora

Michael Novingu i raitim

NUPELA klon haibrid kakau ol saveman long wok didi-man i kamapim, i gat banis agensim sik bilong kakau pod bora binatang.

Minista bilong Agrikalsa na Laipstok, na Memba bilong Midel Ramu, Tommy Tomscoll, i lonsim dispela klon haibrid kakau long Kerevat Risets Institut las wik Fraide.

Mista Tomscoll i tok olsem kakau em i bikpela kes krop tru long kantri, we i save kamapim klostu K300 milian long olgeta krismas.

Moa yet, em i tok olsem kakau i save halivim sindaun bilong planti milian manmeri long kantri.

Tomscoll i tokim ol ges, ol fama na ol arapela manmeri i kamap long lukim lonsim bilong nupela kakau haibrid, olsem kakau i save kamapim planti wok, kirapim wok bisnis, peim skul fi, na lukautim sindaun bilong ol manmeri i stap long ol rurel eria.

Em i tok Kakau Pod Bora o CPB, i kilim tru ol kakau fama na bisnis. Dispela i bagarapim sindaun bilong ol manmeri tu.

Sik CPB i bin kamap pas long Kerevat Risets Senta

long mun Mas 2006, na bihain i go long ol arapela provins i save planim kakau.

Maski kakau i bagarapim ol fama, ol i go het yet long planim kakau long kisim mani long lukautim sindaun bilong ol na apim ekonomi bilong kantri.

Mista Tomscoll i tok tenkyu long ol saveman bilong kakau long PNG Kokau na Kokonas Risets Institut (PNGCCRI) long wokim gutpela wok painim long kamap long dispela nupela kakau we bai noken sik kakau pod bora i ken bagarapim.

Moa yet, em i tok tenkyu long ol savemanmeri bilong kakau long ol arapela kantri,

husat i kam helpim mipela long kamapim dispela nupela kain kakau.

Em i tok maski kakau i bagarap, ol fama i bin lusim planti mani long lukautim kakau bilong ol.

"I kisim planti awa na mani na hatwok long ol saveman bilong kakau i karimaut dispela wok long kamapim klon haibrid kakau long helpim sindaun bilong ol manmeri," Mista Tomscoll i tok. "Tenpela krismas i go pinis, gavman i bin autim mani long karimaut wok painimaut, we tete, yumi lukim wok bilong ol saveman bilong kakau i karim kaikai.

Tiensten laikim Nautilus yet long strongim bek NGI wok bisnis

Michael Novingu i raitim

MEMBA bilong Pomio, Paul Tiensten, i toktok strong yet long larim Nautilus Minerals i go insait na karimaut wok maining long solwara bilong Is Nu Briten na Nu Ailan provins.

Mista Tiensten i tok Nautilus i mas go het na karimaut wok, bilong gutpela bilong ekonomi o wok bisnis bilong Niugini Ailans (NGI) rijen.

Em i tok bagarap long envairomen o busgraun na solwara bai no inap long bagarapim sindaun bilong ol manmeri long ples.

Tiensten i mekim dispela toktok las wik, olsem Niugini Ailans rijen em bipo i save go pas long ol arapela rijen long wok bisnis.

"Mipela (NGI) i gat planti ol risos i stap we mipela i ken wokim kamapim long helpim sindaun bilong ol manmeri long rijen bilong mipela.

"Kakau na kopra bilong mipela i bagarap pinis, na mipela i mas painim arapela samting long kamapim long wok bisnis, na ol manmeri bai kisim helpim long en.

Em i singaut i go long ol lida man bilong ENB long wokbung wantaim long paitim toktok long kirapim nupela projek bai helpim long apim ekonomi o wok bisnis bilong provins na kantri wantaim.

"Bipo NGI i save go pas long wok bisnis, edukesen, na ol arapela wok, tasol nau,

mipela i pundaun bikos nogat gutpela wok bung wantaim namel long ol lida man long provins," Mista Tiensten i tok.

Em i tok moa olsem NGI rijen i gat 17-pela memba long palamen. Moa yet, em i tok sapos olgeta lida i wokbung wantaim long kirapim wok bisnis, em bai helpim ol pipel na ol provins bilong ol.

Tiensten i tok sapos ol i larim Nautilus i karimaut wok maining bilong ol long solwara, bai NGI rijen i ken apim wok bisnis mak bilong en.

"Nautilus i wankain olsem ol arapela main olsem Misima, Ok Tedi, Pogera na Lihir, na ol i no kamapim bagarap long envairomen," Tiensten i tok.

Em i tok sapos ol non gavman ogenaiesen o NGO i ting olsem wok maining Nautilus i mekim bai bagarapim envairomen, orait, ol i mas raitim ol samting ol i ting bai bagarapim envairomen, na olgeta i paitim toktok long en.

Em i tok ol NGO i noken toktok na pairap nating sapos ol i no save long wanpela samting.

"Sapos mipela i wokbung wantaim, mipela i ken karimaut wok painimaut na givim kostim i go long kampani long hamas mani mipela i laikim bai kisim long projek, na hamas mani bai kostim mipela long ol samting i bagarap long taim wok maining i kirap," em i tok.

Mendi ples balus wokman i tok tenkyu

KONTRAKTA bilong Mendi ples balus, Philip Posu i tok tenkyu long minista bilong Woks na Implementesen na memba bilong Imbongu long sapot long mekim ples balus i open gen.

Mista Posu i tok olsem taim ples balus i pas, ol pipel husat i laik kisim balus

long Sauten Hailans Provins, ol i save go olgeta long Maun Hagen long kisim balus. Ol wokman bilong Ota Sekuriti sevis i lukim dispela na ol stat long mekim wok stretim Mendi ples balus we ol i putim fens na penim ranwe. Aea Niugini balus nau i ken mekim

ron bilong tripela taim long wanpela wik i go long Mendi taun.

Wankain tu long ol narpela liklik balus olsem Heli Solutions, Hevi Lift, South West, MAF na Reginal Air ol i ken mekim ron bilong i go long Mendi ples balus.

Mista Posu i tok tenkyu

long Minista Awesa long helpim na sapot bilong em wantaim ol Nesenel Aeapot Koporesen (NAC) long lukluk long dispela hevi na stretim hariap.

Minista Posu i tok olsem, Sauten Hailans na bai nogat hevi long go long Maun Hagen long kisim balus.

Digicel i lonsim nupela data plen

OL Kastoma bilong Dijisel i save yusim Intanet sevis bai laki long kisim bikpela diskaun long yusim dispela sevis.

Long las wik, (PNG) Dijisel i tokaut long wanpela data promosen we bai helpim ol kastoma bilong em long seiv ap i go olsem 30-pesen long husat i yusim intanet.

Dispela PNG bikpela, gutpela netwok i lonsim dispela K20 Data Pas bilong em we bai ron long olgeta wik bilong

ol kastoma bilong em long olgeta hap bilong kantri.

Dispela nupela promosen i op long olgeta Dijisel Prepaid kastoma we i givim diskaun long ol intanet sevis i go daun olsem K20 long 7-pela de olgeta inap long 100MB.

Dispela em i gutpela na isi na sapos ol kastoma i laik join, orait yu ken salim number "100" i go long dispela 1634.

Dispela sevis i givim kas-

toma planti velu bilong mani long 7-pela de tasol, yu ken join planti taim long go insait na kisim dispela 100MB long yusim intanet na kisim samting yu laikim long en. Dispela em i olsem, wanwan manmeri i ken yusim dispela sevis na kisim moa ofa bilong en.

Sif Eksekutiv Opisa (CEO) bilong Dijisel, John Mangos i tok olsem, "Bikos long bikpela namba bilong ol kastoma, mipela i traim long

bringim gutpela sevis i go long ol koporet klaen wantaim ol prepaid kastoma husat i save yusim intanet.

"Dispela ofa i soim komitmen long givim gutpela sevis i go long ol kastoma bilong mipela, sapos yu long koporet ogenaiesen, bisnisman, sumatin o wanpela fama insait long infomol sekta, Digicel i gat ofa long inapim laik bilong olgeta," Mista Mangos i tok.

Dijisel i tokaut long wan-

Zurenuoc opim Kayana bisnis

Paulus Tali i raitim

LONG ranim na kamapim koporetiv bisnis, em no isipela samting, nogat.

Yu mas wok klostu wantaim ol komyuniti, na tu Kopi Industri Koporesen, (CIC) long toktok i go kam long bringim wokman i kam daun long level bilong ol mameri long ples, na ol bai save long rot na wok we ol liklik man meri, mekim i stap.

Kayana Bisinis Koporetiv I bin stat long yia 1997.

Long lukluk bilong pipel bilong Moreng long Mape Lokol Level Gavman eria, em long kamapim inkoporetiv bilong ol yet na ol liklik man meri inap kisim benefit long em. Na tu, bai bringim ol pipel long Mape LLG na Kote tu bai inap sea long Inkoporatativ em driman we ol Moreng pipe i gat long em.

Long ples Moreng, i gat moa long 2,000 man meri na populesen i laik kamapim liklik wok bisnis bikos ol i laik long lukim sevis I mas kam insait long eria bilong ol.

Tu, Moreng Ples em i stap bak-

sait olgeta, na i nogat sevis na developmen tumas, tasol nau yet driman bilong ol em long senis i mas kam insait long eria, bilong ol yet.

CIC Koporetiv Inkoporesen i save wok klostu long givim tingting long rot bilong planim gutpela kopi, na bai gat gutpela maket long helpim ol liklik manmeri long ples, Siaman bilong Kayana Bisinis Koporetiv em Sekreteri Bamegao i tok.

Nau yet Moreng ples, Kayana Bisinis ol Koporetiv na ol ples klostu we I gat moa long 14-pela ples bai kamap Memba aninit long Kayana Koporetiv long sapotim ron bilong Kayana.

Long opening taim, Spika Theodore Zurenuoc i bin kamap long Moreng ples tu wantaim Kote LLG Presiden, Mitine Kemun.

Ol pipel i bin kam long Mape eria na Kote LLG long witnesim na harim tok tok bilong Nesenel Spika, Mista Zurenuoc.

Honorebol Zurenuoc i tok kamap bilong em long opim Kayana Bisinis Koporetiv I no wanpela mistek o asua, nogat.



PNG POWER Ltd

KOMYUNITI SEVIS TOKSAVE

TOK LUKAUT LONG OL PAWA LAIN I PUNDAUN LONG TAIM BILONG STRONGPELA WIN

PNG POWER I LAIK TOKSAVE LONG PABLIK LONG NCD NA OL ARAPELA SENTA WE I GAT STRONGPELA WIN I KAMAP, LONG LUKAUT GUT BIKOS DISPELA I KEN DAUNIM SAMPELA OL PAWA LAIN.

MIPELA I TOKIM PABLIK LONG NOKEN GO KLOSTU, O SANAP ANINIT LONG OL PAWA LAIN.

SAPOS I GAT PAWA LAIN I PUNDAUN PINIS, NOKEN GO KLOSTU, NOGUT I GAT PAWA I RON YET LONG PAWALAIN.

SAPOS YU STAP LONG NCD O LONG OL PLES KLOSTU, RINGIM IMEJENSI NAMBA 323 4774 O 324 3299 O OL MOBAIL NAMBA 71981000 / 71981001, 71981002 NA 71981003 LONG SINGAUT OL PNG POWER LAINSMAN LONG GO STRETIM OL PAWA LAIN I PUNDAUN.

SAPOS YU STAP LONG OL ARAPELA SENTA, YU KEN RINGIM PNG POWER OPIS I STAP KLOSTU LONG YU.

Toksave i kam long PNG Power Kopret Rilesens

Wok bilong PNG LNG ofsua paiplain i pinis

LNG Projek Advaisa i kisim ol bid long patnasip insait long Galf LNG Projek na Wok bilong PNG LNG Paiplain i go long solwara i pinis nau.

OL advaisa bilong InteOil long Amerika i tokaut olsem ol i kisim pinis planti bid o pepa bilong ol lain i laik patna wantaim inteoil long wok bilong LNG Projek long.

Long Mas 1, 2013, InteOil Koporesen long Huston, Amerika, na Pot Mosbi amamas long tokaut olsem ol advaisa bilong ol i toksave pinis long Kampani olsem ol i bin kisim planti bid long ol kampani i laik patna wantaim InteOil LNG projek long Galf Provins, Papua Niugini.

"Ol advaisa bilong mipela nau i wok long lukluk moa long ol dispela singaut pepa". Wanpela mausman i tok.

Ol Bod of Dairekta bilong InteOil, bai kibung wantaim ol advaisa bilong kampani insait long mun Mas 2013, long ol bai lukluk moa long ol bid bilong patnasip we ol i kisim pinis long developim Galf LNG Projek. Galf LNG bai yusim ges i kam long Elk na ol Entelof fil insait long Papua Niugini yet.

Long Disemba 2012 tu, wok bilong

paiplain i go long solwara nau i pinis wantaim las paip ol i pasim wantaim paiplain long graun.

Dispela paiplain i pinis tai mol wokman i bin pasim tupela paiplain long Omati Lenfol long Omati Wara we tupela paiplain i bung.

Longpela bilong paiplain insait long solwara em i olsem 407 kilomita, na longpela bilong paiplain long graun em 292 kilomita na em i stat yet long Haida, long Hela Provins.

Weldim bilong paiplain long solwara i bin stat long mun Oktoba 2011, tasol wok i bin kamap hariap tru.

"Dispela em narapla eksampel bilong wok go het we i wok long kamap long PNG LNG Projek, maski planti hatwok i stap," PNG LNG Projek Eksekutiv Decie Autin i tok.

"Mipela winim nau 75 pesen (75%) bilong dispela projek na i bihainim gut taim bilong en, bai mipela putim aut nambawan ges long 2014" Ms Autin tok moa.

Ms Autin i givim tok gutpela spid bilong projek i kamap bikos long ol pipel, em nambawan risos bilong kampani.



ROT SAIT MAKET:

Hailens haiwe save pulim planti ol rot sait maket, dispela ol liklik bisnis long sait bilong rot save pulim planti manmeri taim ol ron long Hailens haiwe. Poto i soim ol mama long Jiwaka salim ol prut na kaikai long sait bilong rot na wetim ol haiwe kar long kam baim kaikai bilong ol. **Poto Nicky Bernard.**

Kokopo Bisnis Koles pulim luksave long graduesen

Michael Novingu i raitim

SINGAUT i go long gavman na ol bisnis haus long wok bung wantaim long wokim ol nupela haus-bung o hol long Kokopo Bisnis Koles long yusim long taim bilong graduesen na ol arapela wok bilong skul.

Bipo gavana jeneral, na Gren Sif, Sir Paulias Matane i mekim dispela singaut long namba 12 graduesen bilong Kokopo Bisnis Koles, long las wik Fraide, we 337 sumatin i pinisim skul bilong ol na kisim diploma na setifiket bilong ol long wokim wok olsem akaunten, menesa na wok long ol hotel.

Sir Paulias i tok olsem i nogat haus long yusim long taim bilong graduesen, na i no stret o gutpela long ol i sindaun ausait long taim bilong graduesen.

Em i tromoi askim i go long Is Nu Briten Provinsal Gavman na ol bisnis long Kokopo long wok bung wantaim na helpim skul long wokim wanpela hol o haus bilong ol long yusim long taim bilong graduesen na ol arapela bikipela wok.

"Kokopo Bisnis Koles i mekim bikipela wok long givim edukesen

sevis long ol pikinini bilong mipela, nae m i bikipela samting long apim mak bilong humen risos developmen bilong kantri bai go het," Sir Paulias i tok.

"Tude mi lukim olsem i nogat planti manmeri bilong dispela kantri i papa long ol bisnis."

Moa yet, em i tok olsem ol manmeri bilong ol arapela kantri i wok kam na wokim bisnis na kisim winmani long kantri bilong yumi.

"I nogat asua long ol i kam na wokim bisnis long kantri bilong mipela, bikos mipela i askim ol long kam na mekim bisnis na peim takis i go long gavman bilong mipela long strongim ekonomi bilong kantri bilong yumi," Sir Paulias i tok. "Mipela ol manmeri bilong dispela kantri, mipela i no save long wokim bisnis."

Em i askim ol sumatin long yusim save ol i kisim long kirapim ol bikipela o liklik bisnis long halivim sindaun bilong ol na helpim long strongim ekonomi bilong provins na kantri.

Sir Paulias i tok kantri bilong yumi em i wanpela Kristen kantri, tasol tude, yu ken lukim olsem i gat planti paul pasin i kamap na bagarapim kantri.

"2013 em i yia bilong

kamapim senis, na mipela laikim senis kamap long kirapim senis long ol komyuniti bilong mipela wantaim Kristen pasin," Sir Paulias i tok.

Sir Paulias i tok olsem O'Neill-Dion gavman i mekim gutpela wok long givim fri edukesen long ol sumatin, na long pait na rausim pasin korapsen long kantri, na kisim developmen i go long ol manmeri long kantri long kirapim gutpela sindaun bilong ol na ol komyuniti bilong ol.

Long wankain taim, Pasto Emos Niba, husat i makim Deputi Praim Minista, Leo Dion, husat i no inap long kamap long graduesen, i salim tok sori bilong Mista Dion, na i ritim toktok bilong em i go long ol sumatin na ol papamama i stap long lukim graduesen bilong ol pikinini bilong ol.

Mista Dion i tok olsem wok wantaim trupela na stretpela pasin, i bikipela samting long kamapim na strongim sindaun bilong ekonomi bilong kantri.

Mista Dion i tokim ol sumatin olsem ol i mas pinisim skul bilong ol na nau ol i mas lukluk long nupela samting long laip bilong ol na kain wok ol bai mekim long kirapim kantri i go het.

easter offer



ZTE N960

K650
+
K40
FREE Credits

Features:

- FM Radio
- Bluetooth
- Micro SD Card
- High Definition Video & Camera
- 1X 3G Rev A Internet Access
- Tethering & WiFi Hotspot
- Wi-Fi, WLAN, USB Tethering
- Email, Gmail, Yahoo
- Capacity Touch Screen

Features:

- Camera
- Bluetooth
- SD Card Slot
- High Definition Video
- 3G EVDO Rev A
- Tethering & WiFi Hotspot
- Music & FM Radio
- Email, Gmail, Yahoo, Facebook, Youtube, Twitter
- Touch Screen

K500
+
K40
FREE Credits



ZTE E908

Purchase any of these Smartphones

this Easter and get **K40** worth of **FREE** Credits

Promo Starts March 13th & Ends April 6th 2013

All phones are Approved by NICTA



Call 24/7 Customer Care on 345 6789



SINDAUN LONG BUNG: Ol lain i sindaun long bung na harim bikman i toktok. *Poto: Mathew Yakai*

Ramu NICO painim ol saveman na ol ekspiyens woklain

Mathew Yakai i raitim

RAMU Nico Projek long Madang provins i traim hat long rikrutim na kipim ol wok manmeri i gat ekspiyens na ol kwalifaid main enjinia na ol arapela woklain bilong PNG yet na ovasis wantaim long wok long dispela bikpela main.

Insait long namba wan kwatali bung kampani i bin holim long Madang tupela wik i go pinis, Deputi Jenerel Menesa Humen Risos, John Rossie i bin tokim ol lain is tap long bung olsem ol i save kisim ol “expert” o ol saveman long Kanada, Australia na Nu Silan, na tu long PNG bilong lukim olsem projek i go het na ol save manmeri i menesim na operetim ol wok i stap.

“Mipela i laikim ol ausait man long ol

westen kantri long wok olsem mentenens menesa, sefti asurens menesa na wanpela asples PNG olsem trening menesa.

“Wok bilong kisim ol man long wok i go het yet taim mipela i laik redi long kamapim ful prodaksen,” Mista Rossier it ok.

Em i tok long pinis bilong mun Disemba las yia, skelim wantaim ol ovasis woklain, ol bin gat 626 asples PNG manmeri i wok wantaim Ramu NICO long tupela eria wantaim. Em long KBK Main na Basamuk Rifaineri long Madang, na tupela opis long Madang na Pot Mosbi wantaim.

Em bin tok rikrutmen na trening i wok long go het ye, tasol bihain taim, tol bai kisim ol woklain long trening na rikrutmen bai lukluk sapos projek i on gut.

EHP lukluk long kamapim tambu na i no blanket lika ban

Sape Metta i raitim

HEVI bilong raun, sindaun wantaim na dring alcohol long ol lika sop o stua we i no stap long gutpela banis i save kamapim, na i wok long kamapim yet, planti hevi na sosel birua insait long ol komyuniti long planti hap bilong provins long PNG.

Na Isten Hailans em i wanpela long dispela ol provins we i wok long bungim planti hevi na nau we lika, alkohol na strongpela dring i wok long kamapim.

Long wanpela forum o miting bilong toktok long ol isus we lika na alkohol i wok long bringim long ol komyuniti long Goroka na Isten Hailans long Trinde wik i go pinis, sampela ripot i bin kamap long namba bilong seksuel trensmited disis (STI) na HIV/AIDS em i suruk i go antap long provins.

Meri i go pas long bikpela Michael Alpers klinik long Goroka, Eunice Imara, i tok namba bilong STI na HIV/AIDS long provins i wok long suruk i go antap tru bikos long pasin bilong slip wantaim i go i kam bihain long dring alkohol na ol arapela strongpela dring.

Em i tok nau yet planti ol yangpela praimer skul na sekenderi skul sumatin i wok long kisim STI na HIV/AIDS long wanem, long taim ol i save dring na spak, ol i no save tingting gut na slip i go i kam.

Imara i tok ol man husat i maritim planti meri, namba bilong ol tu i go antap long list bilong STI na HIV/AIDS long klinik.

Mekim olsem na em i kirapim tingting bilong Gavana Julie Soso Akeke husat i tingting long kamapim tambu long sels na dring bilong alkohol long provins.

Em i tok planti ol komyuniti klab, botol sop na lika outlet i wok long kirap long laik insait long provins.

Olsem na long dispela as em na Provinsel Eksekutiv Kaunsel (PEC) i wok long paitim ol toktok nau long kamapim tambu na tu pasin ol liklik lika sop we i save operet nating nating na kamapim ol hevi.

“Mipela i tingting nau long kamapim tambu na tu pasim operesen bilong ol outlets we i nogat ol gutpela banis, toilet na ol narapela fesilitis. Sapos ol lain husat i save operet long dispela ol outlet i laik go het na operet yet, orait ol i mas stretim gut ol samting long eria bilong ol, na ol i ken go het long operet. Sapos ol i no nap stretim, bai mipela i pasim operesens bilong ol,” Misis Akeke i tok.

Em i tok gavman bilong em bai kamapim tasol tambu pastaim, na sapos tambu i kamap gut, em nau em tingting long kamapim totol lika ben.

“Mi save olsem mi gat 80 pesen sapot, na sapos dispela sapot i kamap strong long mi long imposim totol lika ben long provins, mi bai mekim dispela i kamap,” Misis Akeke i tok.

SP Bruri na PNG Loa na Jastis Sekta bungim han

NAMBA wan bikpela bia kampani long kantri, nau i wokbung moa wantaim PNG Loa na Jastis Sekta long stretim ol hevi bilong alcohol o bia long kantri.

Long kirap bilong dispel mun Mas, SP Bruri (SP Brewery) i givim K10,000 long PNG Loa na Jastis Sekta Sekreteriet long karimaut wok bilong en long sanapim Nesenel Alkohol Advaisari Komiti.

Taim em i kisim dispela sekmani, PNG LJSS Dairekta, Joe Kanekane i tok luksave long halivim SPB i wok long givim yet long wok bilong skulim PNG long ol hevi bilong dring spak tumas.

“I gutpela tru long lukim olsem SP Brewery i givim sapot bilong em gen long kamapim Alkohol Simposium na wok mipela i mekim long stretim ol hevi bilong alkohol. Dispela mani halivim bai bringim bikpela manimak kampani i givim long 2011 i kam inap

nau, em K80,000,” Mista Kanekane i tok.

Em i tok i tru olsem dispel wok em i wanpela bikpela wok, tasol gavman i wok long wok klostu wantaim ol bisnis long mekim kamap gutpela senis.

“Pait agensim alkohol abius em i kam long ol namba wan level bilong gavman, em long opis bilong praim minister na sif sekreterti, na mipela i kirapim dispel wok pinis. Bihain bai mipela i lukim toksave long sanapim bilong wanpela Alkohol Advaisari Komiti,” Mista Kanekane i tok.

Koporet Afes Menesa bilong SPB, Reg Monagi, i tok klia, long SP, olsem namba wan bikpela alkohol kampani long kantri, ol i luksave long bikpela bilong sapotim wok bilong gavman na bai go het yet long mekim.

“Mipela i lukluk i go long bihain taim, na mipela i lukim olsem ol lika ben, i no inap long stretim dispela ol hevi.

Mendi ples balus wokman i tok tenkyu long helpim bilong minista

KONTRAKTA bilong Mendi ples balus, Philip Posu i tok tenkyu long minista bilong Woks na Implementesen na memba bilong Imbongu long sapot long mekim ples balus i open gen.

Mista Posu i tok olsem taim ples balus i pas, ol pipel husat i laik kisim balus long Sauten Hailans Provins i save go olgeta long Maun Hagen long kisim balus.

Ol wokman bilong Ota Sekyuriti Sevis i lukim dispela na ol stat long mekim wok long stretim Mendi ples

balus we ol i putim banis na penim ranwe.

Air Niugini balus nau i ken mekim ron bilong tripela taim long wanpela wik i go long Mendi taun.

Wankain tu long ol narapela liklik balus olsem Heli Solutions, Hevi Lift, South West, MAF na Reginal Air ol i ken mekim ron bilong i go long Mendi ples balus.

Mista Posu i tok tenkyu long Minista Awesa long helpim na sapot bilong em wantaim ol Nesenel Epot Koporesen (NAC) long lukluk long dispela hevi na stretim hariap.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

AIRMAIL SUBSCRIPTION RATES (includes postage & handling)
PNG K220.00, Australia/New Zealand US\$110.00, Asia/Pacific US\$150.00
Rest of the World US\$210.00

NCD HOME DELIVERY
K0.80t per copy or K65.00 Home Delivery & K52.00 Office pickup subscriptions per copy each issue annually.

Please send me.....copy/copies of WANTOK for one year.

I enclose Kina/USD..... as full payment.

Name.....
Postal Address.....
City.....
State/Province.....(abbreviation)
Country..... Zip/Postal Code.....
Street Address.....
Telephone.....Fax.....
Email.....
Signed.....Date.....

Address: Subscriptions
Word Publishing Company Ltd
PO BOX 1982
Boroko, NCD 111
Papua New Guinea

Attn: **Luke MEK** (Circulation & Distribution)



GLASIM RAMU NICO PROJEK



Wanpela Ramu NiCo, Wanpela Komyuniti

Ramu NiCo givim helpim bihain long Gawar Riva bagarapim ples

RAMU NICO i soim gutpela pasin long helpim ol pipel husat wara-tait bilong Gawar Riva bagarapim gaden kaikai na ol arapela samting olsem pik-banis na kakaruk banis na tu ol kes-krop bihain long netsural disasta long Februari 28, 2013

Long las wik Trinde, Mas 6, Ramu NiCo CA Dipatmen i givim aut sampela kaikai olsem rais beg, suga, kofi, nudels, tin-mit na tinpis na tu bikpela samting em sel bilong wokim tent i go long ol lain husat i bungim dispela bikpela hevi.

Kampani tu i lukim dispela bikpela wara-tait i rausim paiplain bilong en insait long graun i kamaut na nau yet ol wok lain i lukluk long stretim i stap.

Long las wik Trinde, Mas 6 2013 Komyuniti Afes tim bilong Ramu NiCo i bin go long eria arere long Gawar riva long bungim ol ofisa bilong CA long Basamuk olsem Leffy, Tony Gayu, Nicky Genaia na Jacky Wang, husat i stap klostu wantaim ol pipel na toktok i go kam long painim gutpela rot long helpim bihain long Gawar Riva i tait na karim graun na bagarapim ol eria long hap.

Tim bilong Madang husat i bin go long Gawar long Trinde em Jeneral Menesa bilong Ramu NiCo CA Dipatment, Martin Paining na ol ofisa bilong em bilong Madang ofis. Taim Mista Paining i tok kamap long Gawar long Tunde avinun, em i gat sans long bungim tu LOA Siaman bilong Basamuk, Lima Mullung.

Ol CA ofisa bilong Ramu NiCo long Basamuk i mekim gutpela wok long kisim ol ripot na sanap klostu wantaim ol pipel na harim planti strongpela toktok, ol sampela pipel i mekim. Tasol bihain long gutpela toktok na tingting ol pipel i orait long wok wantaim Ramu NiCo long traim painim gutpela rot long helpim sindaun bilong ol na tu mekim wok long helpim ol yet.

Long Fonde, Ramu NiCo i helpim long bringim tripela ofisa bilong Gavman i go long Basamuk long lukluk na mekim ripot long wanem ol bagarap i kamap bihain long Gawar Riva i tait na karim ol ston na graun na bagarapim ol ples, gaden kaikai na ol kes-krop long eria.

Ol dispela tripela gavman wok lain em tupela bilong Madang

Provinsal Disasta ofis em eking dairekta yet, Rudolf Mongali, ofisa bilong em Kevin Wilimbina na wanpela Mains Liason ofisa bilong Madang provinsal edministresen, Robert Kenna.

Ol gavman ofisa ya i painim hat long go long Gawar bihain tasol long birua i kamap, bikos long hevi bilong lojistiks na transport. Olsem na Ramu NiCo i luksave long hevi bilong ol na i redim wokabaut bilong ol, taim em i putim ol long sip bilong en na karim ol i go long Basamuk na bihain kisim ol long kar i go long Gawar.

Wanem ripot ol gavman lain i wokim em bilong ol yet na ol bai givim long Provinsal Gavman na tu painim rot long helpim ol pipel.

Mista Paining i tokim ol pipel tu olsem em mirakol stret na nogat wanpela man, meri i pikinini i lusim laip bilong ol long dispela birua, maski olsem em nait, ren i pundaun na sampela pikinini i slip pinis.

Mista Paining i tok Ramu NiCo i mekim wanpela komitmen long fiksim o stretim sampela seksen bilong saspensen-bris bilong wokabaut long Mingming viles, we wara wantaim ston i brukim sampela hap bilong en.

Em i tokaut olsem wanpela memorandum ov agrimen (MOA) em ol lokal komyuniti i sainim wantaim Ramu NiCo we ol lokal lain bai helpim Ramu NiCo long traim stretim gen bris. Dispela ol lokal lain em bai

CA Superintenden long Basamuk i tokaut olsem insait longdispela MOA, sampela wok bai lukim ol lokal lain i mekim wok na helpim long stretim bris, mekim ol sekuriti wok na tu helpim long wok leba

Mista Paining i tokim ol pipel husat i bin bung taim Ramu NiCo i givim helpim olsem bikpela salens we nau i stap em long wanem rot Ramu NiCo i ken helpim ol pipel long sasteinable developmen wok long bihain.

Em i tok dispela hevi em netsurel disasta, ol hevi we Papa God tasol i save wanem taim em bai kamap. Ol pipel na tu Ramu NiCo i no save kain bikpela hevi bai i kamap.

Ramu NiCo i helpim long bringim ol Gavman ofisa bilong Madang Disasta ofis long mekim ripot.



Ramu NiCo i givim kaikai helpim long ol famili long Yalau blok.



Helpim i go long ol lain long Yalau viles.



Ekting Madang Disasta dairekta, Rudolf Mongali kisim poto long ol bagarap.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

Gawar tait - wara bringim graun na karamapim kakao gaden

OL LAIN bilong ples klostu long Gawar Riva long Raikos distrik long Madang provins nau i stap wantaim bikpela wari na sore bikos graun we bikpela riva i karim i kam i karamapim stret gaden kaikai bilong ol na tu ol kakao na rais gaden bilong ol.

Wanpela model rais fama, Imoro Bou i tok em i lusim sampela rais gaden bilong em long Yalau, na planti ol arapela tu i lusim ol gaden kaikai olsem taro, yam, na tu kakao na rais gaden bilong ol.

Dispela bikpela tait-wara long Gawar Riva i bin kamap long Februari 28, tasol bihain tasol long wanpela wik na ol lain bilong Madang provinsal disasta ofis i bin go kisim ripot. Dispela em bikos Madang provinsal gavman na edministresen i no helpim ol wantaim trenspot na tu ol arapela lojistiks sapot long ol i ken go aut na mekim wok bilong ol.

Ekting dairekta bilong Madang Provinsal Disasta ofis, Rudolf Mongali wantaim wanpela ofisa bilong em na wanpela Madang edministresen Mains Liesen ofisa, Robert Kenna i bin mekim lukluk raun long las wik Trinde long Gawar long lukim ol bagarap i kamap.

Turangu planti ol famas i no save wanem samting o halivim ol bai kisim nau bikos planti bilong ol i lusim ol gaden kaikai bilong ol na tu rot long kisim mani long sait long kakao blok em graun i karamapim pinis.

Ol pipel i tok olsem Madang



Dispela papa wantaim pikinini bilong em i sanap fran long bipo taro na kakao gaden bilong ol arere long Gawar Riva, em nau graun i karamapim olgeta wantaim ol bikpela ston. *Poto: JAMES KILA*

Provinsal Disasta Ofis i mekim inspeksen long ol eria i bagarap tasol ol i no kisim kliia o gutpela toktok long wanem helpim ol pipel bai kisim long Gavman long sait long ol

gaden na kes-krop bilong ol i bagarap.

"Mipela i sambai tasol na wetim sapos helpim bai kam o?" Imoro Bou i tok.

Em i tok sampela ofisa bilong Ramu NiCo i kisim ol ripot bilong samting i bagarap, na tu sampela lokal lain blong ples tu i mekim ripot bilong ol yet long givim i go long

MP bilong Raikos, James Gau. Olsem na nau yet ol pipel i weti tasol long lusim helpim bai kam long wanem hap stret.

Product Safety Recall

KISIM BEK BILONG ORIGIN ENERGY PRODAK – LP GAS REGULETA

Dispela em i wanpela bikpela toksave long strongim pasin bilong yusim stret LPG.

Origin Energy i kirapim singaut long kisim bek dispela Likwifait Petroleum Gas (LPG) Reguleta.

- Nem: Hai Presa Reguleta (High Pressure Regulator)**
Bren: Rambo
Model Namba: MPR16LFT
(I stap long reguleta)

- Nem: Hai Presa Reguleta (High Pressure Regulator)**
Bren: Rambo
Model Namba: MPR100 LFT

Ol dispela reguleta em ol i baim em yet, o long yusim wantaim ol dispela hai presa bena o kuka, em Rambo model, HP 100 LPB, HPA 100 LP, SA 820 oa SA920.

I gat wanpela asua long en we i ken lukim ges i lik lusim reguleta. Sapos ges i lik i go long ples we paia is tap, em i ken kamapim paia, oa em i ken pairap.

Olgeta reguleta mipela i kisim be, bai mipela i givim narapela fri long senisim. Plis sekim Origin Energy opis i stap klostu long yu long kisim moa halivim.

Sauten:

Gordons: 323 4033
Kanudi: 321 4248
Alotau: 641 1803

Momase:

Lae: 472 3177
Wewak: 456 2125

Hailans:

Mt Hagen: 545 1411
Goroka: 532 2100

Niugini Ailans:

Rabaul: 982 1180
Kavieng: 984 1733



HPA 100 LP



HP 100LPB



SA 820



SA 920

Together we can make a difference.™


origin
gas does it!

Pilai antap long skai



Gem Bilong Yu

wantaim

ANDREW MOLEN

ORAIT, dispela wik bai yumi lusim ol gem bilong kalapim maunten na ston na kisim balus i go antap tru abrusim ol kilaut.

Yes, antap tru – Sapos yu no save, mi tokim yu nau olsem i gat sampela ol gem we i save kamap antap long skai tu.

I gat planti kain gem we ol i save mekim antap long skai na tete bai yumi lukluk long wanpela bilong ol.

I no long taim i go pinis, yumi bin stori long ol gem we i save kamap wantaim ol bod (board) olsem sef (surf) bod, sket (skate) bod na sno (snow) bod.

Nau bai yumi lukim wanpela brata bilong ol we i save stap antap long skai.

Nem bilong dispela bod em skai bod (sky board) na spot ol i save yusim insait long en em skai sefing (skysurfing).

Histri bilong gem.

Tupela Frens man, Dominique Jacquet and Jean-Pascal Oron i bin kamapim skai sefing long 1986.

Bipo long ol i kamapim skai sefing, Jacquet na Oron i bin ol skai daiva (sky diver) o ol man husat i save kalap wantaim parasut (parachute) i kam autsait long balus.

Long dispela taim, ol i save kalap wantaim ol sef bod bilong solwara, sno bod na sampela i save rausim wilwil long ol sket boda na traim kalap wantaim ol tu.

Tasol dispela spot i no kisim bikipela luk-save inap long pinis bilong 1980's.

Long 1990 i kam em i kisim moa luksave na planti moa manmeri save go traim save na stail bilong ol long dispela nupela gem.

Namba wan wol sempionsip bilong skai sefing tu i kamap long 1990.

Skai sefing i go insait long X-Gems long 1995 i go long 2000 na bihain em i kamap 8-pela taim insait long SSI Pro tua trael gem long Not Amerika na Yurop.

Stail bilong pilai

Long pilai, namba wan samting yu mas mekim em kisim balus na i go antap long skai wantaim parasut na bod bilong yu.

Taim yu kamap long mak bilong kalap nau bai ol i opim dua nay u kalap i go daun gen long graun.

Tasol bipo long yu kamap long graun, yu mas sanap antap long bod bilong yu na mekim ol stail olsem yu ron antap long wara, sno o graun.

Sampela i save tanim het i go daun na lek wantaim bod i go antap, em i orait tu.

Taim yu pinis olgeta stail bilong yu bihain mak na taim orait yu ken opim parasut bilong yu na win bai karim yu i kam daun isi long graun.

Wanwan bod i save gat ol samting bilong pasim em long lek bilong wanwan man bai em i noken pudaun o win i karim i go.

Tasol ol i mekim isi tu long yu rausim bod na holim long han taim yu kamap klostu long graun o sapos yu bungim sampela hevi bai yu ken kamautim isi tasol bod na stretim yu yet.

Sampela pilai save kamap wantaim wanpela pilai tasol na sampela i save kamap

long ol tim o grup.

Long pilai bilong wanpela man, i save gat narapela husat i save kalap long sait bilong em wantaim kemra long kisim piksa na video bilong ol jas long lukim na givim poin long stail bilong em.

Wankain piksa na vidio save kamap tu long tim gem.

Skai sefing long PNG

I no olgeta hap long wol bai gat dispela spot bilong wanem em i no isipela samting.

Namba wan samting em, i mas i gat bikipela hap graun na spes antap long skai we ol pasindia balus na ol arapela balus i no save bihainim, we dispela kain pilai gen kamap long en.

Ol pilaia na pailot bilong balus tu i mas kisim trening long mekim dispela wok na tu kos bilong bensin bilong balus em i antap tru.

Long wankain taim, wanwan kantri gat loa bilong ol long wanem kain ol spot olsem dispela i ken kamap.

Tasol em i gutpela long lukim ol save manmeri bilong dispela gem i soim stail bilong ol.

Wanpela samting we ol i win tru long en em strongpela tingting na bel bilong ol long kalap i kam autsait long balus bilong wanem i no planti manmeri nap long mekim dispela.



ANTAP LONG KILAUT: Tupela man i ronim bod bilong ol antap long kilaut.



LUSIM BALUS: Ol pilaia i save kisim balus i antap na kalap i go autsait wantaim parasut na bod bilong ol.



STRONGPELA WIN: Wanpela sefa i daunim nus bilong bod bilong em i go down long graun.



ANTAP TRU: Ol pilai save ronim bod olsem long graun, wara na sno.



BARBA: Isi isi long kam bek pilai.



UATE: Strongpela pilai bilong em mekim Manly kisim was.



SBW: Strongpela pilai bilong Sonny Bill i lukim em i lusim bens na bai statim gem agensim Warriors long Sarere.



SPOTS DRO RAUN 2

Fonde : Mas 14, 2013



ANZ Stadium

Eels V^s Bulldogs



Fraide: Mas 15, 2013



WIN Stadium

Dragons V^s Broncos



Sarare: Mas 16, 2013



Townsville Stadium

Cowboys V^s Storm



Eden Park

Warriors V^s Roosters



Sande: Mas 17, 2013



Skilled Park

Titans V^s Raiders



Campbelltown Stadium

W/Tigers V^s Panthers



Skilled Pak

S/Eagles V^s Knights



Mande: Mas 18, 2013



ANZ Stadium

Rabbitohs V^s Sharks



EELS V BULLDOGS - 14TH MARCH, 8:05PM, ANZ STADIUM

Eels

1 Jarryd Hayne
2 Ken Sio
3 Ryan Morgan
4 Jacob Loko
5 Cheyse Blair
6 Joseph Paulo
7 Chris Sandow
8 Mitch Allgood
9 Matt Keating
10 Tim Mannah
11 Reni Maitua
12 Ben Smith
13 Matt Ryan
Interchange
14 Ben Roberts
15 Darcy Lussick
16 Fuifui Moimoi
17 Kelepi Tanginoa
Coach: Ricky Stuart

Bulldogs

1 Steve Turner
2 Drury Low
3 Josh Morris
4 Krisnan Inu
5 Sam Perrett
6 Josh Reynolds
7 Kris Keating
8 Aiden Tolman
9 Michael Ennis (c)
10 Martin Taupau
11 Tony Williams
12 Josh Jackson
13 Greg Eastwood
Interchange
14 Dene Halatau
15 Dale Finucane
16 David Klemmer
17 Tim Browne
19 Mitch Brown
Coach: Des Hasler

DRAGONS V BRONCOS - 15TH MARCH, 8:05PM, WIN STADIUM

Dragons

1 Gerard Beale
2 Brett Morris
3 Chase Stanley
4 Matt Cooper
5 Jason Nightingale
6 Jamie Soward
7 Nathan Fien
8 Dan Hunt
9 Mitch Rein
10 Michael Weyman
11 Tyson Frizell
12 Ben Creagh (c)
13 Trent Merrin
Interchange

14 Bronson Harrison
15 Leeson Ah Mau
16 Matt Prior
17 Cameron King
19 Jack Stockwell
Coach: Steve Price

Broncos

1 Corey Norman
2 Josh Hoffman
3 Jack Reed
4 Justin Hodges
5 Lachlan Maranta
6 Scott Prince
7 Peter Wallace
8 Josh McGuire
9 Andrew McCullough
10 Sam Thaiday (c)
11 Alex Glenn
12 Matt Gillett
13 Corey Parker
Interchange
14 Ben Hunt
15 Ben Hannant
16 Mitchell Dodds
17 David Stagg
18 Scott Anderson
Coach: Anthony Griffin

COWBOYS V STORM - 16TH MARCH, 6:30PM, 1300SMILES STADIUM

Cowboys

1 Matthew Bowen
2 Ashley Graham
3 Brent Tate
4 Kane Linnett
5 Antonio Winterstein
6 Johnathan Thurston (c)
7 Ray Thompson
8 Matthew Scott (c)
9 Scott Moore
10 James Tamou
11 Gavin Cooper
12 Glenn Hall
13 Dallas Johnson
Interchange
14 Rory Kostjasyn
15 Ashton Sims
16 Tariq Sims
17 Jason Taumalolo
18 Clint Greenshields
Coach: Neil Henry

Storm

1 Billy Slater
2 Matt Duffie
3 Will Chambers
4 Justin O'Neill
5 Mahe Fonua
6 Gareth Widdop
7 Cooper Cronk

8 Jesse Bromwich
9 Cameron Smith (c)
10 Bryan Norrie
11 Tohu Harris
12 Ryan Hoffman
13 Ryan Hinchcliffe
Interchange
14 Jason Ryles
15 Lagi Setu
16 Siosaia Vave
17 Junior Moors
18 Slade Griffin
Coach: Craig Bellamy

WARRIORS V ROOSTERS - 16TH MARCH, 7:30PM, EDEN PARK

Warriors

1 Kevin Locke
2 Glen Fisiiahi
3 Dane Nielsen
4 Konrad Hurrell
5 Bill Tupou
6 Thomas Leuluai
7 Shaun Johnson
8 Sam Rapira
9 Elijah Taylor
10 Ben Matulino
11 Steve Rapira
12 Simon Mannering (c)
13 Todd Lowrie
Interchange:
14 Jacob Lillyman
15 Feleti Mateo
16 Sebastine Ikahihifo
17 Pita Godinet
18 Ben Henry
Coach: Matthew Elliott

Roosters

1 Anthony Minichiello (c)
2 Daniel Tupou
3 Michael Jennings
4 Shaun Kenny-Dowall
5 Roger Tuivasa-Sheck
6 James Maloney
7 Mitchell Pearce
8 Jared Waerea-Hargreaves
9 Jake Friend
10 Sam Moa
11 Aidan Guerra
12 Sonny Bill Williams
13 Frank Paul Nuuausala
Interchange
14 Daniel Mortimer
15 Martin Kennedy
16 Mitchell Aubusson
17 Luke O'Donnell
19 Boyd Cordner
22 Dylan Napa
Coach: Trent Robinson

TITANS V RAIDERS - 17TH MARCH, 2:00PM, SKILLED PARK

Titans

1 William Zillman
2 Kevin Gordon
3 Brad Takairangi
4 Jamal Idris
5 David Mead
6 Aidan Sezer
7 Albert Kelly
8 Luke Douglas
9 Matt Srama
10 Nate Myles
11 Greg Bird
12 Ben Ridge
13 Ashley Harrison
Interchange
14 Dave Taylor
15 Luke Bailey
16 Ryan James
17 Beau Falloon
18 Luke O'Dwyer
Coach: John Cartwright

Raiders

1 Reece Robinson
2 Sandor Earl
3 Jarrod Croker
4 Jack Wighton
5 Edrick Lee
6 Josh McCrone (c)
7 Sam Williams
8 David Shillington (c)
9 Shaun Berrigan
10 Dane Tilse
11 Josh Papalii
12 Joel Thompson
13 Shaun Fensom
Interchange
14 Matt McIlwrick (c)
15 Joel Edwards
16 Brett White
17 Tom Learoyd-Lahrs
18 Mark Nicholls
Coach: David Furner

TIGERS V PANTHERS - 17TH MARCH, 3:00PM, CAMPBELLTOWN STADIUM

Tigers

1 Tim Moltzen
2 Matt Utai
3 Blake Ayshford
4 Chris Lawrence
5 Marika Koroibete
6 Benji Marshall
7 Jacob Miller
8 Jack Buchanan
9 Robbie Farah (c)
10 Keith Galloway
11 Braith Anasta

12 Liam Fulton
13 Adam Blair
Interchange
14 Matt Bell
15 Ben Murdoch-Masila
16 Aaron Woods
17 Eddy Pettybourne
18 Joel Reddy
Coach: Mick Potter

Panthers

1 Dean Whare
2 Josh Mansour
3 Wes Naiqama
4 Brad Tighe
5 David Simmons
6 Lachlan Coote
7 Luke Walsh
8 Sam McKendry
9 Kevin Kingston (c)
10 Tim Grant
11 Sika Manu
12 Lewis Brown
13 Nathan Smith
Interchange
14 James Segeyaro
15 Nigel Plum
16 Clint Newton
17 Jeremy Latimore
18 Adam Docker
Coach: Ivan Cleary

SEA EAGLES V KNIGHTS - 17TH MARCH, 6:30PM, BROOKVALE OVAL

Sea Eagles

1 Brett Stewart
2 Jorge Taufua
3 Jamie Lyon (c)
4 Steve Matai
5 David Williams
6 Kieran Foran
7 Daly Cherry-Evans
8 Brenton Lawrence
9 Matt Ballin
10 Brent Kite
11 Anthony Watmough
12 Justin Horo
13 Jamie Buhrer
Interchange
14 Richie Fa'aoso
15 Joe Galuvau
16 David Gower
17 Jesse Sene-Lafao
20 Tom Symonds
Coach: Geoff Toovey

Knights

1 Darius Boyd
2 James McManus
3 Dane Gagai
4 Anthony Quinn
5 Akuila Uate
6 Jarrod Mullen

7 Kurt Gidley (c)
8 Kade Snowden
9 Travis Waddell
10 Willie Mason
11 Beau Scott
12 Chris Houston
13 Jeremy Smith
Interchange
14 Tyrone Roberts
15 Neville Costigan
16 Robbie Rochow
17 Alex McKinnon
18 David Falogo
Coach: Wayne Bennett

RABBITHOHS V SHARKS - 18TH MARCH, 7:00PM, ANZ STADIUM

Rabbitohs

1 Greg Inglis
2 Nathan Merritt
3 Dylan Farrell
4 Bryson Goodwin
5 Andrew Everingham
6 John Sutton
7 Adam Reynolds
8 Jeff Lima
9 Issac Luke
10 Roy Asotasi
11 Chris McQueen
12 Ben Te'o
13 Ben Lowe
Interchange
14 Nathan Peats
15 Michael Crocker (c)
16 David Tyrrell
17 George Burgess
18 Jason Clark
19 Justin Hunt
Coach: Michael Maguire

Sharks

1 Michael Gordon
2 Jonathan Wright
3 Ricky Leutele
4 Matthew Wright
5 Beau Ryan
6 Todd Carney
7 Jeff Robson
8 Andrew Fifita
9 Isaac De Gois
10 Ben Ross
11 Luke Lewis
12 Wade Graham
13 Paul Gallen
Interchange
14 Chris Heighington
15 Jon Green
16 John Morris
17 Anthony Tupou
18 Jayson Bukuya
19 Sam Tagataese
20 Chad Townsend
Coach: Peter Sharp



FRIDAY 15 MARCH



07.05PM

SATURDAY 16 MARCH



07.30PM

SUNDAY 17 MARCH



02.00PM

LIVE GAME CALLS

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARHAM 100.5	MT. KAINGUMA 107.1	PALMALMAL 100.8	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



Ol Spot Eksen
poto long wiken...

Ol Poto Nicky Bernard.

Bai yu go we: Benmax Panebua bilong Isten Sta(namba 13) i traim long abrusim Freddie Steven bilong Besta FC long NSL soka resis long Pot Mosbi. Besta i win 2-0.



Gol Suta bilong Air Niugini i redi long tromoi bal.



Bai mi kisim: Wing Atek bilong Brain Bell Carol Gewa, i resis long kisim bait aim ol pilai wantaim AHC long wiken. AHC winim Brain Bell na lukim ol bai go insait long fainol long dispela wiken.



Jacob Sabuna bilong Besta FC i kisim bal long lek bilong taim kepten bilong Isten Sta Joshua Niebo i putim long rausim long en.

- Weekend Sports Draws -

Round 7 Draw: Telikom - NSL

Round 7

16/3/2013	3:00PM	Hekari Utd FC	Vs	Besta PNG Utd FC	SIG
16/3/2013	3:00PM	WNB Tavor FC	Vs	FC Pom	KIMBE
16/3/2013	3:00PM	Eastern Stars FC	Vs	Welgris FC	SIG
16/3/2013	1:00PM	NC Civil Oro FC	Vs	Gigira Laitepo Morobe FC	SIG

PMWSA INC DRAW

Saturday, 16 March 2013
DIAMOND ONE

TIME	TEAMS	TEAMS	GRADE	REMARKS
9.00	Stingerz Wolves	v Gazelle Wantoks	U/16	POMWSA - R2G2
10.30	Wolves	v Admiralty	B	POMWSA - R2G6
12.00	Bears	v United Sisters	B	POMWSA - R2G6
13.30	Wolves	v United Sisters	A	POMWSA - R2G6
15.00	Stingerz	v Chebu	A	POMWSA - R2G6

DIAMOND THREE

TIME	TEAMS	TEAMS	GRADE	GRADE
9.00	Admiralty Sisters	v Chebu Bears	U/16	POMWSA - R2G2
10.30	Wantoks	v Stingerz	B	POMWSA - R2G6
12.00	Chebu	v Gazelle	B	POMWSA - R2G6
13.30	Gazelle	v Wantoks	A	POMWSA - R2G6
15.00	Bears	v Admiralty	A	POMWSA - R2G6

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Madang Gem Fising Klab em we olgeta senta bai redim bot na seil aut painim pis i redim ples pinis. Poto: James Kila

Madang redi long lukautim 38th Nesenel Gem Pising tonamen

James Kila i raitim

MADANG bai hostim o lukautim namba 38th Nesenel Gems Fising Tonamen long dispela yia 2013 na ol wok redi i wok long gohet orait tasol.

Dispela bikipela tonamen we bai lukim ol arapela senta long PNG i bung long Madang long resis long painim pis long solwara bilong Bismark Si bai kamap long Mas 22 i go Epril 1.

Madang i bin lukautim nesenel gems fising taitels long

yia 2009 na i bin mekim gut tru, na long dispela yia i amamas tasol lukautim gen.

Long las wik SP Brewery, husat em bikipela spona bilong tonamen na kampani we i save sapotim planti spot long kantri, i givim K10,000 i go long Presiden bilong Madang Gem Fising Klab na tonamen dairekta, Garry McGowan.

SP Brewery Momase na Hailans Rijnol Sels Menesa, Greg Baker i tok kampani i amamas long sapotim kain bikipela spot olsem long kantri olsem gem fising.

Dispela bikipela gem fising tonamen long Madang bai pulim moa long 300 lain bilong gem fising long kantri na tu ol lain long ovasis i kam long resis.

Tru tumas, Madang taun bai pulap long ol nupela pes lain bilong fem fishing na tu em bai wanpela naispela samting tru long ol manmeri long taun i lukim ol resis ol lain bilong gem fising tonamen i mekim.

Long las yia, tonamen i bin kamnap long Rabaul, Is Nu Briten provins na i kamap gut tru.

Mista Baker i tok dispela 38th Nesenel Gem Fising Taitel em bikipela samting tru insait long kalenda bilong gem fising long PNG na ol i amamas long sapotim.

Moa long en tu dispela bikipela tonamen bai opim tru ai bilong ol manmeri bilong Madang taun na provins na planti lain bilong ol arapela senta bai bung long Madang na helpim lokal ekonomi bilong provins.

Ol arapela bikipela spona bilong dispela tonamen em Mobil, InterOil, na tu i gat ol arapela maina o liklik spona.

Tupela brata kamap tonamen Dairekta

Nicky Bernard i raitim

EXPORT Laga PNG Open Golf bai stap long lukaut bilong tupela brata, dispela tupela brata i wok long Papua Niugini longpela taim nau na golf pilai em tupela save gut tru long en.

Darren Stocks, em komesel meneja bilong Tropicair, n abra brata bilong Andy Stocks, em klan sevis meneja bilong G4S long Pot Mosbi.

Dispela tupela brata bai mekim olgeta dro na pepa wok bilong PNG Export Laga Golf tonamen we bai kam long Lae na Pot Mosbi long namel bilong dispela yia.

Wantok Niuspepa i bungim tupela long Fonde wik i go pinis na stori long tupela wanem kain stail bai tupela ronim dispela tonamen na tu



Darren na Andy i bungim tupela model long spona nait long Royal PNG Golf Klab. Poto Nicky Bernard.

pela i bai wankain stail tasol olsem ol yia i go pinis.

“Em bai namba wan taim mi tupela bai wok wantaim long ronim wanpela tonamen long Papua Niugini, na dispela bai

hatpela wok liklik long wanem, ol top pilai bilong Australia na Nu Silan bai kam antap long Papua Niugini long pilaim dispela PNG Golf Open,” Darren na Andy i tok.

Long Fonde nait long wik i go pinis, Royal PNG Golf Klab i holim spona nait long bungim olgeta spona long redi long dispela bikipela tonamen salens.

PNGSF Woksop pulim planti spoting Kod

Nicky Bernard i raitim

PNG Spot Faundesen woksop long Mosbi i bin kamap gut tru long Sarere long wik i go pinis, dispela woksop i bin pulim planti long ol spoting kod long kantri long go stap insait long dispela wande woksop.

Long opim dispela woksop, Misis Iammo Gapi Launa i tokim ol manmeri husat i stap insait long woksop long wok bung wantaim long strongim PNG Gems long wanem dispela tonamen bai yumi ken painim ol gutpela spot manmeri long karim nem bilong kantri bilong yumi.

Dispela woksop ol bin toktok long planti samting, na tu lainim planti samting we bai ol spot manmeri mas redi long 2015 Saut Pasifik Gem we bai i kam long Kantri bilong yumi.

Insait long dispela woksop planti bilong ol presiden bilong wanwan spot insait long kantri bin stap long dispela woksop.

Plantilong bilong ol dispela spot em bodi kontek pilai olsem Ragbi yunien, basketball, boksing na taikwado na sampela em wanpela man pilai tasol.

Dispela woksop ol lain long Goroka Spot Institut bin kam daun na ronim dispela liklik na strongpela woksop.



Visin bilong spots developmen long ol LLG

MIPELA i lukluk pinis long spots developmen long ol distrik, na ol wok i mas kamap long ol arapela eria.

Dispela wik mi lukluk long ol arapela eria, tasol long ol LLG, wanem samting mipela olsem ol developa o moa yet ol atoriti i mas lukluk long en long ol LLG eria.

Tingim, mipela i toktok long namba bilong ol ples insait long wanwan wod na wanem ol nid ol i gat.

Ol ples i no wankain bikipela bilong ol. Bikipela bilong ol i save bihainim namba bilong ol pipel i stap long dispela ples. Long ol nambis ples, ol i bikipela moa, na mak bilong wod bilong ol i narakain long ol arapela we namba bilong ol ples i save kamapim wanpela wod.

Plantilong ples insait long ol LLG i gat ol spots samting bilong ol, olsem na ol i ken ogenaisim ol komyniti spots program bilong ol yet.

Olgeta wanwan ples insait long wanwan LLG i mas go het long bildim ol spot ples bilong ol.

Ol ples bilong pilai spots i narakain long wanwan ol rijen. Long ol ples nambis, ol i save lukluk moa long ol tim spots, na i no olsem ol taun eria we ol spot bilong wanwan man i bikipela.

Tasol, plantilong LLG eria i gat ol wankain tim spot i save kamap.

LLG Presiden i mas toksave long olgeta kaunsil wanwok bilong en long bungim het na sanapim ol spots ples bilong ol yet. Ol dispela ples i mass tap gut, na ol pipel i mas yusim ol samting ol i gat long mekim kamap ol dispela ples.

Ol lain diwai i gat olgeta samting ol i nidim.

Tasol, sapos i nogat flet graun long yusim, ol pipel i mas bung wantaim na mekim kamap samting. Mi save olsem i gat ol eria long kantri we i maunten tasol, na ol i brukim maunten long mekim kamap ol spots ples.

Tasol sapos ol presiden bilong ol LLG i no wok strong, ol pipel bai les tu long sanap na mekim wok na samting i kamap.

Ol pipel long ol ples i mas go het na bildim ol spot pilai ples bilong ol yet yet.

Sapos ol gavman opisa bilong ol i no mekim wok, ol pipel i mas sanap long lek bilong o yet long lukim wok i kamap.

Mi amamas long tok olsem i gat sampela gutpela piksa pinis we ol pipel yet i mekim samting kamap long hatwok bilong ol yet.

Mipela i mas gat moa long ol dispela kain manmeri long olgeta komyniti long kantri.

Wanwan manmeri mas kisim onasip long wanem samting i kamap long ol komyniti bilong ol. Laip na ol nid bilong ol pipel em bikipela samting. Wanem ol strongim program long komyniti bai strongim laip sindaun bilong ol.

Askim bilong mi i go long olgeta gavman opisa, em long harim dispela singaut na strongim olgeta manmeri long komyniti long wok bilong self rilaiens o lukautim ol yet.

Gavana Parkop helpim PNG Pepes

GAVANA Parkop bringim promis bilong em go long Pepes long Tunde avinun taim em go lusim sek mani long K20,000 long helpim ol Pepes long pilai bilong ovasis.

Parkop i tokim ol Pepes meri olsem dispela mani em promisim ol long yia i go pinis long helpim ol taim ol go pilai long Fiji tasol dispela i no kamap.

Em tok las yia em taim bilong ileksen na em bin bisi na dispela promis em karim kam long dispela yia na em rait taim tu long ol Pepes na anda 21 i redi long go pilai long narapela kantri.

“Mi helpim netbol long ol mas go wanpela step go antap long redi long

2015 Pasifik Gems we bai kamap long Papua Niugini na mi laikim ol dispela meri long winim medol long dispela taim” Parkop i tok.

Presiden bilong Netbol i tok tenkyu long gavana long helpim na em tok netbol pilai save pulim ol meri krismas bilong 13 i go antap long 50 long pilai dispela gem.

President tu i tok ol meri Pepes i redi long go pilai ovasis na em gat bilip long ol long mekim go long dispela trip bilong ol.

Long dispela liklik bung long Tunde avinun, gavana Parkop i kam wantaim Minista bilong Spot na Pasifik Gem na Ivens Justin Tkatchenko.



Kumuls Kepten laikim helpim

Nicky Bernard i raitim

PAPUA Niugini Kumuls Kepten Glen Nami laikim helpim long salim em go daun long ovasis long kisim operesen long rait lek bilong em.

Dispela bagarap em kisim taim em bin kepten long tim bilong em Goroka Lahanis taim ol pilaim Isapiea long Digicel Kap long yia i go pinis.

Glen bin strongim dispela bagarap bilong em na pilaim sampela moa gem na bihain em stap insait long Kumuls tai mol pilaim Australia long Pot Mosbi na long dispela em kisim ol PNG Residen go pilai wantaim ol Saut Sydney long Australia.

Dokta bilong tim i tokim em long kisim sampela operesen long ovasis long redim em yet long pilai long wol kap we bai kamap long Oktoba dispela yia.

Glen i kisim sampela helpim i kam long Gavana bilong NCD Powes Parkop wantaim long mani mak bilong K10,000 long kiov long fanraising bilong em.

Gavana Parkop i askim ol pipel long Goroka na Papua Niugini long helpim Glen long mekim mani bilong em inap long K50,000 long kisim em go daun long ovasis.

Glen i gat akaun bilong em long Westpac na sapos yu laik helpim em yu ken benk long Glen Nami medikol akaun long Westpac.

NRL dro na tim lainap

- Pes 25

NCD HELPIM: Gavana bilong NCD i presentim K10,000 sek mani go long Glen Mami long helpim go long haus sik long ovasis. *Poto Nicky Bernard.*

Johnston's Pharmacies



All Sports and First Aid requirements



P.O. Box 1066 Boroko
 Phone: 325 3185, Fax: 325 0190
 Email: sales@johnstons.com.pg